

ራእይ ፡ ለዮሐንስ ።

ዘዮሐንስ ፡ ኤጲስቆጶስ ፡ ዘቀሰጥንጥንያ ፡ መጥሮጶሊስ ፡

አመ ፡ ሀለዎ ፡ ይሰደድ ።

ምዕራፍ ፡ ፩ ፤

ራእይ ፡ ለዮሐንስ ፡ ዘከመ ፡ ርእዮ ፡ ለኢየሱስ ፡ ክርስቶስ ፡ ዘወሀቦ ፡ ፮ ፤
 እግዚአብሔር ፡ ከመ ፡ ያርእዮሙ ፡ ለእግብርቲሁ ፡ ዘሀለዎ ፡ ይኩን ፡ ፍጡ
 ነ ፡ ወእምድኅረዝ ፡ ፈነወ ፡ ምስለ ፡ መልአኩ ፡ ኅበ ፡ ዮሐንስ ፡ ገብሩ ። ዘ ፮ ፤
 ኮነ ፡ ስምዐ ፡ በእንተ ፡ ቃለ ፡ እግዚአብሔር ፡ ወበእንተ ፡ ስምዑ ፡ ለኢየሱስ
 ፡ ክርስቶስ ፡ ላዕለ ፡ ነሉ ፡ ዘርእዮ ። ወብፁዕ ፡ ዘያነብቦ ፡ ወዘይሰምዖ ፡ ቃ ፫ ፤
 ለ ፡ ተነብዮቱ ፡ ለዝንቱ ፡ መጽሐፍ ፡ ወዘዩዐቅብ ፡ ዘጽሑፍ ፡ ውስቴቱ ፡ እ
 ስመ ፡ ቅሩብ ፡ ዘመኑ ። ዘጸሐፈ ፡ ዮሐንስ ፡ ለሰብዑ ፡ ኡብያተ ፡ ክርስቲያና ፬ ፤
 ት ፡ እለ ፡ ውስተ ፡ እስያ ። ጥገሱ ፡ ለክሙ ፡ ወሰላሙ ፡ እምኅበ ፡ ዘሀሎ ፡
 ወይሂሉ ፡ ወዘይመጽእ ፡ ወእምነ ፡ ሰብዐቱ ፡ መንፈስ ፡ ዘቅድመ ፡ መንበሩ ፡
 ለኢየሱስ ፡ ክርስቶስ ። ዘውእቱ ፡ ስምዕ ፡ መሃይምን ፡ ወውእቱ ፡ ቀደመ ፡ ፮ ፤
 በነተረ ፡ ከዊነ ፡ እምነ ፡ ምውታን ፡ ዘተንሥኡ ፡ ወውእቱ ፡ መኩንኖሙ ፡
 ለነገሥተ ፡ ምድር ። ውእቱ ፡ ዘኡፍቀረክሙ ፡ ወኅፀበክሙ ፡ እምኅጣው
 ኢክሙ ፡ በደሙ ። ወረሰዩክሙ ፡ ውስተ ፡ መንግሥተ ፡ ቅድሳተ ፡ አቡ ፮ ፤
 ሁ ፡ እግዚአብሔር ፡ ዘሎቱ ፡ ስብሐት ፡ ወኅይል ፡ ለዓለመ ፡ ዓለም ፡ አሜ ፮ ፤
 ን ። ናሁ ፡ ይመጽእ ፡ በደመና ፡ ሰማይ ፡ ወትሬእዮ ፡ ነላ ፡ ዐይን ፡ ወእልክ ፮ ፤
 ቱሂ ፡ እለ ፡ ወግዕዎ ፡ ይኔጽርዎ ፡ ወይበክዩ ፡ በእንቲአሁ ፡ ነሎሙ ፡ አሕ ፮ ፤
 ዛበ ፡ ምድር ። እወ ፡ አሜን ። አነ ፡ ውእቱ ፡ አልፋ ፡ ወኦ ፡ ይቤ ፡ እግዚአ ፮ ፤
 ብሔር ፡ ዘሀሎ ፡ ወይሂሉ ፡ ወዘይመጽእ ፡ ዘውእቱ ፡ ይመልክ ፡ ነሎ ። ወ ፮ ፤
 አነ ፡ ዮሐንስ ፡ እኅክሙ ፡ ወሱታፊክሙ ፡ በሕማምክሙ ፡ ወበመንግሥ ፮ ፤
 ትክሙ ፡ ወበትዕግሥትክሙ ፡ በእንተ ፡ ትዕግሥቱ ፡ ለኢየሱስ ፡ ክርስቶስ ።
 ወእንዘ ፡ ሀሎኩ ፡ ውስተ ፡ ደሌት ፡ እንተ ፡ ስማ ፡ ፍጥሞ ፡ በእንተ ፡ ቃለ ፡
 እግዚአብሔር ፡ ወበእንተ ፡ ስምዑ ፡ ለኢየሱስ ። መጽእ ፡ ላዕሌዩ ፡ መንፈ ፫ ፤
 ስ ፡ በዕለተ ፡ እሑድ ፡ ወሰማዕኩ ፡ ቃለ ፡ ዐቢዩ ፡ እምድኅሬዩ ፡ ከመ ፡ ቃለ ፡

፲፮ ፡ ቀርን ። ወይቤለኒ ፡ ጸሐፍ ፡ እንከ ፡ ዘትሬኢ ፡ ውስተ ፡ መጽሐፍ ፡ ወፈኑ ፡
 ለአብያተ ፡ ክርስቲያናት ፡ ሰብዐቱ ። ዘኤፌሶን ፡ ወዘሰምርኔስ ፡ ወዘኢርጋ
 ፲፯ ፡ ሞን ፡ ወዘትያጥራ ፡ ወዘሰርዴስ ፡ ወዘሬልድልፍያ ፡ ወዘሎዲቅያ ። ውተመ
 የጥኩ ፡ እርአይ ፡ ዝከ። ቃለ ፡ ዘይትናገር ፡ ምስሌየ ፡ ወሶበ ፡ ተመየጥኩ ፡
 ፲፰ ፡ ናሁ ፡ እሬኢ ፡ ሰብዐ ፡ መኃትው ፡ ዘወርቅ ። ወማእከለ ፡ መኃትው ፡ ከመ ፡
 ወልደ ፡ እንለ ፡ እመሕያው ፡ ወይለብስ ፡ ልብስ ፡ ጳዴር ፡ ወቅኑት ፡ ውስተ ፡
 ፲፱ ፡ እንግድአሁ ፡ በቅናት ፡ ዘወርቅ ። ወጸዐዳ ፡ ርእሱ ፡ ወሥዕርቱ ፡ ከመ ፡ ፀ
 ፳፩ ፡ ምር ፡ ጸዐዳ ፡ ወከመ ፡ በረድ ፡ ወአዕይንቲሁ ፡ ከመ ፡ ነደ ፡ አሳት ። ወእገሪ
 ሁ ፡ ከመ ፡ ብርተ ፡ ሊባኖስ ፡ ዘእርሰንዎ ፡ ውስተ ፡ አሳት ፡ ወቃሉ ፡ ከመ ፡
 ፳፪ ፡ ቃለ ፡ ማይ ፡ ብዙኅ ። ውውስተ ፡ እደሁ ፡ ዘየማን ፡ ሰብዐቱ ፡ ኮከብ ። ወይ
 ወዕእ ፡ እምነ ፡ አፉሁ ፡ ሰይፍ ፡ በሊሕ ፡ ዘከልኤ ፡ አፉሁ ፡ ወገጹ ፡ ከመ ፡
 ፳፫ ፡ ፀሐይ ፡ ብሩህ ፡ ዘያስተርኢ ፡ በኅይሉ ። ወሶበ ፡ ርኢክዎ ፡ ወደቁ ፡ ውስተ ፡
 እገሪሁ ፡ ወኮንኩ ፡ ከመ ፡ በድን ። ወኡኅዘኒ ፡ በየማኑ ፡ ወይቤለኒ ፡ ኢትፍ
 ፳፬ ፡ ራህ ፡ አነ ፡ ውእቱ ፡ ቀዳማዊ ፡ ወደኃራዊ ። ዘሕያው ። ወአንሰ ፡ ኮንኩ ፡
 ከመ ፡ በድን ፡ ወይቤለኒ ፡ ናሁ ፡ ሕያው ፡ አነ ፡ ለዓለመ ፡ ዓለም ። ውኅቤ
 ፳፭ ፡ የ ፡ ሀሎ ፡ መራኅተ ፡ ሞት ፡ ወዘሲኦል ። ጸሐፍ ፡ እንከ ፡ ዘትሬኢ ፡ ዘሀል
 ፳፮ ፡ ው ፡ ወዘሀለው ፡ ይኩን ፡ እምድኅረ ፡ ዝንቱ ። ወፍካሪሆመሰ ፡ ለሰብዐቱ ፡
 ኮከብ ፡ እለ ፡ ርኢክ ፡ ውስተ ፡ የማን ፡ ወዘሰብዐቱ ፡ መኃትው ፡ እለ ፡ ወር
 ቅ ፡ ዝንቱ ፡ ሰብዐቱ ፡ ኮከብ ፡ መላእክት ፡ እሙንቱ ፡ እለ ፡ ሰብዐቱ ፡ አብ
 ያተ ፡ ክርስቲያናት ፡ ወእሉኒ ፡ ሰብዐቱ ፡ መኃትው ፡ ሰብዐ ፡ አብያተ ፡ ክ
 ርስቲያናት ፡ እማንቱ ።

ምዕራፍ ፡ ፪ ፡

፩ ፡ ወጸሐፍ ፡ ሎቱ ፡ ለመልአክ ፡ ቤተ ፡ ክርስቲያን ፡ ዘኤፌሶን ፡ ከመዝ ፡
 ይቤለክ ፡ ዘያጸንዕ ፡ ሰብዐተ ፡ ኮከበ ፡ በየማኑ ፡ ዘየሐውር ፡ በማእከለ ፡ ሰብ
 ዐ ፡ መኃትው ፡ ዘወርቅ ። ርኢኩ ፡ ግብረክ ፡ ወጸማክ ፡ ወትዕግሥተክ ።
 ፪ ፡ ወከመ ፡ ኢትክል ፡ ጸዊሮቶሙ ፡ ለእኩያን ፡ እለ ፡ ይብሉ ፡ ርእሶሙ ፡ ሐ
 ፫ ፡ ዋርያተ ፡ ወኢኮኑ ፡ ወረከብካሆሙ ፡ ከመ ፡ ሐሰዉ ። ውተዐገሥክ ፡ ወጸር
 ፬ ፡ ከ ፡ በእንተ ፡ ስምየ ፡ ወኢተቁጣዕክ ። ወባሕቱ ፡ ቦ ፡ ዘአሐይሰክ ፡ እስመ ፡
 ፭ ፡ ኅደገ ፡ አፍቅሮተክ ፡ ዘቀዲሙ ። ውተዘከር ፡ በበይነ ፡ ምንት ፡ ወደቀ ። ነስ
 ሕ ፡ እንከ ፡ ወአመ ፡ አኮሰ ፡ እመጽእ ፡ ወአድለቀልቃ ፡ ለማኅቶትክ ፡ እም
 ነ ፡ መካና ፡ እመ ፡ ኢነሳሕክ ፡ ወከመ ፡ ቀዲሙ ፡ ግብርክ ፡ እመ ፡ ኢገበር
 ፮ ፡ ክ ። ወዝንቱሰ ፡ ብክ ፡ እስመ ፡ ትጻልእ ፡ ምግባርሙ ፡ ለኒቆላውያን ፡ በከ

መ : አነ : እጸልእ :: ዘቦ : እዝን : ሰሚዐ : ለይስማዕ :: ምንተ : ይቤ : መ ፮፻፲
ንፈስ : ቅዱስ : ለአብያተ : ክርስቲያናት :: ወለዘሞአሰ : አሁቦ : ይብላዕ :
እምውስተ : ዕፀ : ሕይወት : ዘሀሎ : ውስተ : ገነቱ : ለአምላክዩ :: ወጸሐ ፳፻፲
ፍ : ሎቱ : ለመልአክ : ቤተ : ክርስቲያን : ዘሰምርኔስ :: ከመዝ : ይቤ : ዘ
ውእቱ : ቀዳማዊ : ወውእቱ : ደኃራዊ : ዘሞተ : ወሐይወ :: አአምር : ሕ ፱፻፲
ማመክ : ወኃጣይኢክ : ወባሕቱ : ብፁል : አንተ : ወዕርፈቶሙ : ለእለ :
ይብሉ : አይሁድ : ንሕነ : ወኢኮነ : አላ : ማኅበሩ : ለሰይጣን : እሙንቱ :: ፲፱፻፲
ኢትፍራህ : ምንተኒ : በእንተ : ዘሀለወክ : ትሕምም :: እስመ : ናሁ : ሰይ ፲፻፲
ጣን : ይወዲ : እምኔክሙ : ውስተ : ሞቅሕ : ከመ : ትትዓቀፉ : ወተሐሙ :
ዐሠረ : መዋዕለ :: ወኩን : መሃይምነ : እስክ : ለሞት : ወእሁብክ : አክሊ ፲፱፻፲
ለ : ዘሕይወት :: ዘቦ : እዝን : ሰሚዐ : ለይስማዕ :: ምንተ : ይቤ : መንፈ ፲፱፻፲
ስ : ቅዱስ : ለአብያተ : ክርስቲያናት :: ወዘሰ : ሞአ : ኢይመውት : ዳግ ፲፱፻፲
መ : ሞተ :: ወጸሐፍ : ሎቱ : ለመልአክ : ቤተ : ክርስቲያን : ዘጰርጋሞን :: ፲፱፻፲
ከመዝ : ይቤ : ዘቦ : ሰይፍ : በሊሕ : ዘክልኤ : አፉሁ :: አአምር : ኅበ : ት ፲፱፻፲
ነብር : እዴክ : መንበሩ : ለሰይጣን : ወታጸንዕ : ስምዩ : ወኢክሕድክ : ሃ ፲፱፻፲
ይማኖትዩ : ወበመዋዕል : ዘቀተልዎ : በኅቤክሙ : ለጸድቅዩ : መሃይምን :
በኅበ : ይነብር : ሰይጣን :: ወባሕቱ : ቦ : ዘአሐይሰክ : እስመ : ሀለዉ : ዝ ፲፱፻፲
ዩ : እለ : ያጸንዑ : ትምህርቶ : ለበለዓም : መምህሩ : ለባላቅ : ወይወድዩ :
ዕቅፍተ : ቅድሚሆሙ : ለደቂቀ : እስራኤል : ከመ : ይብልዑ : ዝቡሐ : ፲፱፻፲
ለአማልክት : ወይዘምዉ :: ወእሉ : ሀለዉ : ኅቤክ : እለ : ያጸንዑ : ትም ፲፱፻፲
ህርቶሙ : ለኒቆላውያን :: ወይእኬኒ : ነስሕ : ወእመ : አኮሰ : እመጽእ : ወ ፲፱፻፲
እፀብአሙ : ፍጡነ : በሰይፈ : አፉዩ :: ዘቦ : እዝን : ሰሚዐ : ለይስማዕ :: ፲፱፻፲
ምንተ : ይቤ : መንፈስ : ቅዱስ : ለአብያተ : ክርስቲያናት :: ለዘሞአ : አሁ ፲፱፻፲
ቦ : መና : ዘኅቡእ : ወእሁቦ : መጽሐፈ : ብርሃን : ወውስተ : ወውእቱ : መ ፲፱፻፲
ጽሐፍ : ጽሐፍ : ስም : ሐዲስ : ዘአልቦ : ዘያእምሮ : ዘእንበለ : ዘነሥእ :: ፲፱፻፲
ወጸሐፍ : ሎቱ : ለመልአክ : ቤተ : ክርስቲያን : ዘትያጥሮን :: ከመዝ : ፲፱፻፲
ይቤ : ወልደ : እግዚአብሔር : ዘአዕይንቲሁ : ከመ : ነደ : እሳት : ወእገሪ ፲፱፻፲
ሁ : ከመ : ርስነ : ብርተ : ሊባኖስ :: አአምር : ግብረክ : ወተፋቅሮተክ : ፲፱፻፲
ወሃይማኖተክ : ወመልእክተክ : ወትዕግሥተክ :: ወግብርከኒ : ደኃሪት : ፲፱፻፲
ትበዝነ : እምኒ : ቀዳሚት :: ወባሕቱ : ቦ : ዘአሐይሰክ : እስመ : አርመ ፳፻፲
ምክ : ላቲ : ለኢልዛቤል : ብእሲት : እንተ : ትብል : ርእሳ : ነቢይት : ወ ፳፻፲
ትሚህር : በዘታስሕቶሙ : ወታዜምዎሙ : ለአግብርትዩ : ከመ : ይብል ፳፻፲
ዑ : ዝቡሐ : ለአማልክት :: ወወሀብክዎ : መዋዕለ : በዘትኔስሕ : ወእባዩ ፳፻፲

፳፪ ፡ ት ፡ ንስሐ ፡ እምነ ፡ ዝሙታ ። ወናሁ ፡ አገብእ ፡ ውስተ ፡ ምስካባ ፡ ወልእ
 ለ ፡ ይዜምወ ፡ ምስሌሃ ፡ ውስተ ፡ ዐቢይ ፡ ሥቃይ ፡ እመ ፡ ኢንስሐት ፡ አ
 ፳፫ ፡ ምነ ፡ ምግባራ ። ወአቀትል ፡ ደቂቃ ፡ በሞት ፡ ወያአምሩ ፡ ነሉ ፡ አብያተ ፡
 ክርስቲያናት ፡ ከመ ፡ እነ ፡ ውእቱ ፡ ዘእፈትን ፡ ልበ ፡ ወኩልያተ ፡ ወእፈድ
 ፳፬ ፡ ዩክሙ ፡ ለለአሐዱ ፡ አሐዱ ፡ እምኔክሙ ፡ በከመ ፡ ምግባሪክሙ ። ወለክ
 ሙኒ ፡ አብል ፡ ለእለ ፡ ተረፍክሙ ፡ ውስተ ፡ ትያጥሮን ፡ ለእለ ፡ አልብክ
 ሙ ፡ ዘንተ ፡ ትምህርተ ፡ ለእለ ፡ ኢታአምርዋ ፡ ለጉሕሉተ ፡ ሰይጣን ፡ ዘ
 ፳፭ ፡ ይብሉ ፡ ወኢይወዲ ፡ ላዕሌክሙ ፡ ክልኤ ፡ ክበደ ። ወባሕቱ ፡ ዘብክሙ ፡
 ፳፮ ፡ አጽንዑ ፡ አስከ ፡ አመ ፡ አሣሀል ። ወለዘሞአ ፡ ወዐቀበ ፡ ግብርዩ ፡ ለዝሉ
 ፳፯ ፡ ፋ ፡ እሁቦ ፡ ሥልጣን ፡ ላዕለ ፡ አሕዛብ ። ወይሬዕዮሙ ፡ በበትረ ፡ ኅጺን ፡
 ፳፰ ፡ ወከመ ፡ ንዋዩ ፡ ለብሓ ፡ ይቀጠቅጦሙ ። በከመ ፡ እነ ፡ ነሣእኩ ፡ እምሳበ ፡
 ፳፱ ፡ አቡዩ ። ወእሁቦ ፡ ኮከበ ፡ ጽባሕ ። ዘቦ ፡ እዝን ፡ ሰሚዐ ፡ ለይስማዕ ። ምን
 ተ ፡ ይቤ ፡ መንፈስ ፡ ቅዱስ ፡ ለአብያተ ፡ ክርስቲያናት ።

ምዕራፍ ፡ ፫ ።

አ ፡ ወጸሐፍ ፡ ሎቱ ፡ ለመልአክ ፡ ቤተ ፡ ክርስቲያናት ፡ ዘሰርዴስ ። ከመዝ ፡
 ይቤ ፡ ዘቦ ፡ ሰብዐተ ፡ መንፈስ ፡ ዘእምሳበ ፡ እግዚአብሔር ፡ ወሰብዐተ ፡ ኮ
 ቫ ፡ ከበ ። አአምር ፡ ግብረክ ፡ ከመ ፡ ስምክ ፡ ሕያው ፡ ወምውት ፡ አንተ ። ት
 ጋሀ ፡ እንከ ፡ ወአጽንዖሙ ፡ ለእለ ፡ አልጻቁ ፡ ይሙቱ ። እስመ ፡ ኢረከብ
 ዩ ፡ ኩ ፡ ግብረክ ፡ ፍጹመ ፡ በቅድመ ፡ አምላክዩ ። ወተዘከር ፡ እሮ ፡ ነሣእክ ፡
 ሰማዕክ ። ነስሕ ፡ እንከ ። ወእመሰ ፡ ኢተጋህክ ፡ እበጽሐክ ፡ ግብተ ፡ ከመ ፡
 ቫ ፡ ሰራቂ ፡ ወኢታአምር ፡ በአይ ፡ ሰዓት ፡ እመጽእ ፡ ላዕሌክ ። ወባሕቱ ፡ ብ
 ከ ፡ ኅዳጠ ፡ ሰብአ ፡ ውስተ ፡ ሰርዴስ ፡ እለ ፡ ኢገመኑ ፡ አልባሲሆሙ ፡ ም
 ኔ ፡ ስለ ፡ አንስት ፡ ወየሐውሩ ፡ ምስሌክ ፡ በንጹሕ ። ወለዘሞአሰ ፡ ወከመዝ ፡
 ልብስ ፡ ንጹሕ ፡ ለዘይደልዎ ፡ ኢይደመሰስ ፡ ስሙ ፡ እምነ ፡ መጽሐፈ ፡ ሕ
 ዩወት ። ወአአምሩ ፡ በስሙ ፡ በቅድመ ፡ አቡዩ ፡ ወበቅድመ ፡ መላእክቲ
 ጻ ፡ ሁ ። ዘቦ ፡ እዝን ፡ ሰሚዐ ፡ ለይስማዕ ። ምንተ ፡ ይቤ ፡ መንፈስ ፡ ቅዱስ ፡
 ጺ ፡ ለአብያተ ፡ ክርስቲያናት ። ወጸሐፍ ፡ ሎቱ ፡ ለመልአክ ፡ ቤተ ፡ ክርስቲያ
 ን ፡ ዘፈልድልፍያ ። ከመዝ ፡ ይቤ ፡ ቅዱስ ፡ ወጸደቅ ፡ ዘኅቤሁ ፡ ይነብር ፡
 ነሉ ፡ መራኅተ ፡ ቤተ ፡ ዳዊት ። ወአልቦ ፡ ዘያርኑ ፡ ወአልቦ ፡ ዘየዐጹ ፡
 ፷ ፡ ዘእንበሌሁ ። አአምር ፡ ግብረክ ፡ ወናሁ ፡ ወሀብኩክ ፡ ቅድሚክ ፡ ኖኅተ ፡
 ርኅተ ፡ ወአልቦ ፡ ዘይክል ፡ ዐጺዎታ ። እስመ ፡ ውኅድ ፡ ኅይልክ ፡ ወዐቀ

ብከ : ቃልየ : ወኢካሕድከ : ስምየ ። ወናሁ : አነ : እሁብከ : እምነ : ማኅ ፱ ፤
በሩ : ለሰይጣን : ወእምነ : እለ : ይብሉ : ርእሶሙ : አይሁድ : ንሕነ : ወ
ኢኮኑ : ይሔስዉ : ወይሰግዱ : ቅድመ : እገሪከ : ወያአምሩ : ከመ : አነ :
አፍቀርኩክ ። እስመ : ዐቀብከ : ቃልየ : ወትዕግሥትየ : ወበእንተ : ዝን ፲ ፤
ቱ : አነኒ : ዐቀብኩክ : እምነ : ሰዓተ : መንሱት : እንተ : ሀለወት : ትመ
ጽእ : ውስተ : ኹሉ : ዓለም : ከመ : ታመክሮሙ : ለእለ : ይነብሩ : ውስ
ተ : ምድር ። ወናሁ : እመጽእ : ፍጡነ : ወአጽንዕ : ዘብከ : ከመ : አልቦ : ፲፮ ፤
ዘይነሥእ : አክሊለክ ። ወለዘሞአሰ : እሬስዮ : ዐምደ : ውስተ : መቅደ
ሱ : ለአምላክየ : ወኢይወዕእ : እንከ : አፍአ : ወአጽሕፍ : ላዕሌሁ : ስ
ሞ : ለአምላክየ : ወስመ : ሀገሩ : ሐዳስ : ኢየሩሳሌም : እንተ : ትወርድ :
እምሰማይ : እምኅበ : አምላክየ : ወስምየኒ : ሐዲሰ ። ዘቦ : እዝን : ሰሚ ፲፫ ፤
ዐ : ለይስማዕ ። ምንተ : ይቤ : መንፈስ : ቅዱስ : ለአብያተ : ክርስቲያናት ።
ወጸሐፍ : ሎቱ : ለመልአክ : ቤተ : ክርስቲያን : ዘሎዲቅያ ። ከመዝ : ይ ፲፬ ፤
ቤ : ዘውእቱ : አሚን : ወውእቱ : ስምዕ : መሃይምን : ወጸድቅ : ወውእ
ቱ : እምቅድመ : ኹሉ : ዘፈጠረ : እግዚአብሔር ። አአምር : ግብረከ : ከ ፲፭ ፤
መ : ኢኮንከ : ቈሪረ : ወኢኮንከ : ምውቀ : ወርቱዕሰ : ትኩን : ቈሪረ : ወ
እመአከ : ምውቀ ። እስመ : ማእከላይ : አንተ : ወትብል : ብዑል : አነ : ፲፯ ፤
ወብዕልኩ : ወአልቦ : ዘእፈቅድ : ምንተኒ ። ወለሊከ : ታአምር : ከመ : ፲፰ ፤
ነዳይ : ወምስኪን : አንተ : ወዕሩቅ : ወዕውር : አንተ ። ወይእዜኒ : እብለ ፲፱ ፤
ከ : ትንሣእ : እምኅቤየ : ወርቀ : ዚአየ : ዘንጡፍ : ወጽሩይ : በእሳት : ከ
መ : ትብዕል : ብየ : ወልብስኒ : ዘዚአየ : ትልበስ : ዘንጹሕ : ከመ : ትትከ
ደን : ዕርቃነከ : ወበፈውሰ : ዚአየ : ትትኩሐል : አዕይንቲከ : ከመ : ት
ርአይ ። አንሰ : ለእለ : አፈቅር : እጌሥጸሙ : ወእሚህሮሙ ። ቅናእ : እ ፲፱ ፤
ንከ : ለንስሓ ። ወናሁ : ቆምኩ : ኅበ : ኖኅት : ወእጐደጐድ : ወእመቦ : ፳ ፤
ዘይሰምዕ : ቃልየ : ወአርኅወኒ : እበውእ : ሶቤሃ : ወአዐርፍ : ምስሌሁ :
ወውእቱኒ : ምስሌየ ። ወለዘሞአ : እሁቦ : ይንበር : ምስሌየ : ውስተ : መ ፳፩ ፤
ንበርየ : በከመ : አነ : ሞእኩ : ወነበርኩ : ምስለ : አቡየ : ውስተ : መንቦ
ሩ ። ዘቦ : እዝን : ሰሚዐ : ለይስማዕ ። ምንተ : ይቤ : መንፈስ : ቅዱስ : ፳፪ ፤
ለአብያተ : ክርስቲያናት ።

ምዕራፍ : ፬ ፤

ወእምድኅረ : ዝንቱ : ርኢኩ : ኖኅተ : ርኅተ : ውስተ : ሰማይ : ወ ፯ ፤
ቀዳሚ : ቃለ : ሰማዕኩ : ከመ : ቃለ : መጥቅዕ : ይትናገር : ምስሌየ : ወይ

ቤለኒ ፡ ዕርግ ፡ ዝዩ ፡ ወእነ ፡ ኦርእዮክ ፡ ዘሀለው ፡ ይኩን ፡ እምድኅረ ፡ ዝን
 ፳ ፡ ቱ ። ወበጊዜሃ ፡ ኮንኩ ፡ በመንፈስ ፡ ወናሁ ፡ መንበር ፡ ውስተ ፡ ሰማይ ፡
 ፫ ፡ ይነብር ። ወዘዲቤሁ ፡ ይነብር ፡ ይመስል ፡ ኅብሩ ፡ ከመ ፡ ዕንቁ ፡ ኢያሰጸ
 ድ ፡ ወሰርዲኖ ። ወብርሃን ፡ ዘየዐውዶ ፡ ለውእቱ ፡ መንበር ፡ ይመስል ፡ ኅ
 ፬ ፡ ብሩ ፡ ከመ ፡ መረግድ ። ወበዐውዱ ፡ ለውእቱ ፡ መንበር ፡ ዕሥራ ፡ ወኦር
 ባዕቱ ፡ መናብርት ፡ ወዲበ ፡ ውእቶን ፡ መናብርት ፡ ይነብሩ ፡ ዕሥራ ፡ ወ
 ኦርባዕቱ ፡ ሊቃናት ፡ ወይለብሱ ፡ ጸዓድወ ፡ አልባሰ ፡ ወዲበ ፡ ኦርእስቲሆ
 ፭ ፡ ሙ ፡ አክሊላት ፡ ዘወርቅ ። ወእምነ ፡ ውእቱ ፡ መንበር ፡ ይወፅእ ፡ መብረ
 ቅ ፡ ወፀዓዕ ፡ ወነጉድጎድ ። ወቅድሜሁ ፡ ለውእቱ ፡ መንበር ፡ የኅተው ፡
 ፮ ፡ ሰብዑ ፡ መኃተው ፡ ዘውእቱ ፡ መንፈስ ፡ ቅዱስ ፡ ዘእግዚአብሔር ። ወቅ
 ድሜሁ ፡ ለውእቱ ፡ መንበር ፡ ባሕር ፡ ከመ ፡ እንተ ፡ በረድ ። ወእምንበዋ
 ቲሁ ፡ ለውእቱ ፡ መንበር ፡ ኦርባዕቱ ፡ እንስሳሁ ፡ ወምሉአን ፡ እሙንቱ ፡
 ፯ ፡ አዕይንተ ፡ እምቅድም ፡ ወእምድኅር ። ወቀዳማዊ ፡ ይመስል ፡ ከመ ፡ አን
 በሳ ። ወካልኡ ፡ ይመስል ፡ ከመ ፡ ላህም ። ወሣልሱ ፡ ይመስል ፡ ከመ ፡ ን
 ፲ ፡ ጸ ፡ እንለ ፡ እመሕያው ። ወራብዕ ፡ ይመስል ፡ ከመ ፡ ንስር ፡ ዘይሠርር ። ወ
 ለእሉ ፡ ኦርባዕቱ ፡ እንስሳሁ ፡ ለለአሐዱ ፡ አሐዱ ፡ እምኔሆሙ ፡ በበስድ
 ስቱ ፡ ክነፈሆሙ ። ወእንተ ፡ ነሉንታሆሙ ፡ ምሉአን ፡ እሙንቱ ፡ አዕይ
 ንተ ፡ ወአልበሙ ፡ ዕረፍት ፡ መፀልተ ፡ ወሌሊተ ፡ እንዘ ፡ ይብሉ ፡ ቅዱስ ፡
 ቅዱስ ፡ ቅዱስ ፡ እግዚአብሔር ፡ አምላክ ፡ አማልክት ፡ ዘሀሎ ፡ ወይሌሉ ።
 ፱ ፡ ወሶበ ፡ ከመዝ ፡ ይብሉ ፡ አልክቱ ፡ እንስሳሁ ፡ ወይሁቡ ፡ ስብሐተ ፡ ወክብ
 ረ ፡ ወአኩቲተ ፡ ለዝክቱ ፡ ዘይነብር ፡ ዲበ ፡ መንበር ፡ ዘሕያው ፡ ለዓለመ ፡
 ፲ ፡ ዓለም ። ወይሰግዱ ፡ ቅድሜሁ ፡ ለዝክቱ ፡ ዘይነብር ፡ ዲበ ፡ መንበር ፡ እል
 ክቱ ፡ ዕሥራ ፡ ወኦርባዕቱ ፡ ሊቃናት ፡ ለዝክቱ ፡ ዘሕያው ፡ ለዓለመ ፡ ዓለ
 ፲፮ ፡ ም ። ወይወስዱ ፡ አክሊላቲሆሙ ፡ ቅድመ ፡ መንበሩ ፡ ወይብልዎ ። ለከ ፡
 ይደሉ ፡ እግዚአ ፡ አምላክነ ፡ ስብሐት ፡ ወክብር ፡ ወኅይል ፡ እስመ ፡ አን
 ቲ ፡ ፈጠርክ ፡ ነሎ ፡ ወበፈቃድ ፡ ዘኣክ ፡ ይሌሉ ፡ ነሉ ፡ ዘተፈጥረ ።

ምዕራፍ ፡ ፭ ፡

፩ ፡ ወእምዝ ፡ ርኢኩ ፡ ውስተ ፡ የማኑ ፡ ለውእቱ ፡ ዘይነብር ፡ ዲበ ፡ መ
 ንበር ፡ መጽሐፈ ፡ ጽሕፍተ ፡ እንተ ፡ ውሥጣ ፡ ወእንተ ፡ አፍአሃ ፡ ወኅተ
 ፪ ፡ ምተ ፡ በሰብዐቱ ፡ ማኅተም ። ወርኢኩ ፡ መልአክ ፡ ፀቢይ ፡ ይጸርኅ ፡ ወይ
 ብል ፡ በቃል ፡ ፀቢይ ፡ ለመኑ ፡ ይደልዎ ፡ ይክሥታ ፡ ለዛቲ ፡ መጽሐፍ ፡

ወይኛታሕ : ማኅተሚሃ = ወአልቦ : ዘክሀለ : ከሚቶታ : ለይእቲ : መጽሐፍ ፫ ፤
 ፍ : ወኢርእዮታ : ኢበሰማይ : ወኢበምድር :: ወብዙኃን : እለ : በከዮ : ፬ ፤
 እስመ : አልቦ : ዘተረክበ : ዘይደልዎ : ይክሥታ : ለይእቲ : መጽሐፍ : ወ
 ይርአያ = ወይቤለኒ : አሐዱ : እምውስተ : እልክቱ : ሊቃናት : ኢትብኪ : ፭ ፤
 ናሁ : ሞአ : አንበሳ : ዘእምነገደ : ይሁዳ : ዘእምውስተ : ሥርወ : ለዳዊ
 ት : ከመ : ይፍትሐ : ለይእቲ : መጽሐፍ : ወለማኅተሚሃ :: ወርኢኩ : ማ ፮ ፤
 እከለ : ዝኩ : መንበር : ወእልክቱ : አርባዕቱ : እንስሳሁ : ወማእከለ : እል
 ክቱ : ዕሥራ : ወአርባዕቱ : ሊቃናት : ይቀውም : በግዕ : ከመ : ዘርጉዝ :
 ውእቱ : ወቦ : ሰብዐተ : አቅርንተ : ወሰብዐተ : አዕይንተ : ወዝንቱ : ው
 እቱ : መንፈሱ : ለእግዚአብሔር : ዘተፈነወ : ውስተ : ነላ : ምድር :: ወ ፯ ፤
 መጽአ : ወቱመጠዋ : እምነ : የማኑ : ለዝክቱ : ዘይነብር : ዲበ : መንበር ::
 ወሶበ : ተመጠዋ : ለይእቲ : መጽሐፍ : ሰገዱ : ሎቱ : ቅድሜሁ : ለውእ ፳ ፤
 ቱ : በግዕ : እልክቱ : ዕሥራ : ወአርባዕቱ : ሊቃናት : ወእልክቱ : አርባዕ
 ቱ : እንስሳሁ : ወያጸንዑ : ነሎሙ : ጽዋዓተ : ዘምሉእ : ዕጣነ : ወመሰን
 ቆ : መዝሙር : ወዝውእቱ : ጸሎቶሙ : ለቅዱሳን = ወይዜምሩ : በመዝ ፱ ፤
 ሙር : ሐዲስ : ወይብሉ : ይደልወክ : ትንሥኣ : ለዛቲ : መጽሐፍ : ወትፍ
 ታሕ : ማኅተሚሃ : እስመ : ተቀተልከ : ወተሳየጥክ : በደምክ : ለእግዚአ
 ብሔር : እምነ : ነሉ : ሕዝብ : ወአሕዛብ : ወነገድ : ወበሐውርት :: ወረ ፲ ፤
 ሰይክ : እምኔሆሙ : ለመንግሥተ : እግዚአብሔር : ከሀናተ : ወነገሥተ :
 ውስተ : ምድር :: ወሰማዕኩ : ቃለ : መላእክት : ብዙኃን : በዐውዱ : ለው ፲፩ ፤
 እቱ : መንበር : ወዘእንስሳሁኒ : ወዘእልክቱኒ : ሊቃናት : ወኅልቆሙሰ :
 እልፍ : ወአእላፍ : ወአእላፈ : አእላፋት : ዘእልፍ : አግዳዚ :: ወይብሉ : ፲፪ ፤
 በቃል : ዐቢይ : ይደልዎ : ለውእቱ : በግዕ : ዘተቀትለ : ከመ : ይንሣእ :
 ኅይለ : ወብዕለ : ወጥበበ : ወጽንዐ : ወመንግሥተ : ወክብረ : ወስብሐተ :
 ወበረከተ :: ወነሉ : ዘተፈጥረ : ዘበሰማይ : ወዘበምድር : ወዘታሕተ : ም ፲፫ ፤
 ድር : ወዘውስተ : ባሕር : ወነሉ : ዘውስቴቶሙ : ይብሉ : ስብሐት : ወ
 ክብር : ወኅይል : ወበረከት : ለዘይነብር : ዲበ : መንበር : ወለበግዑ : ለዓ ፲፬ ፤
 ለመ : ዓለም : አሜን = ወይብሉ : እልክቱ : አርባዕቱ : እንስሳሁ : አሜ ፲፭ ፤
 ን = ወሰገዱ : ሎቱ : እልክቱ : ሊቃናት ::

ምዕራፍ : ፯

ወሶበ : ፈትሐ : ዝክቱ : በግዕ : አሐደ : እምነ : ሰብዐቱ : ማኅተሚ ፫ ፤
 ሃ : ወይቤለኒ : አሐዱ : እምነ : እልክቱ : አርባዕቱ : እንስሳሁ : ነዓ : ርኢ ::

፩ ፡ ወሰማዕኩ ፡ ቃሎ ፡ ከመ ፡ ነገድጓድ ። ወርኢኩ ፡ ናሁ ፡ ፈረስ ፡ ጸዐዳ ፡ ወ
 ዘይጼዐኖ ፡ ቀስተ ፡ ያጸንዕ ፡ ወወሀብዎ ፡ አክሊሊ ። ወወፅአ ፡ ከመ ፡ ይማእ ።
 ፫ ፡ ወሶበ ፡ ፈትሐ ፡ ካልአ ፡ ማኅተመ ፡ ወይቤለኒ ፡ ካልእ ፡ እምውስተ ፡ እንስ
 ፬ ፡ ሳሁ ፡ ነዓ ፡ ርኢ ። ወወፅአ ፡ ካልእ ፡ ፈረስ ፡ ቀይሕ ፡ ወአዘዝዎ ፡ ለዘይጼዐ
 ፭ ፡ ኖ ፡ ከመ ፡ ይንሣእ ፡ ሰላመ ፡ እምነ ፡ ምድር ፡ ከመ ፡ ይትቃተሉ ፡ በበይናቲ
 ፮ ፡ ሆሙ ፡ ወመጠውዎ ፡ ዐቢዩ ፡ መጥባሕተ ። ወሶበ ፡ ፈትሐ ፡ ሣልሰ ፡ ማኅተ
 መ ፡ ይቤለኒ ፡ ሣልስ ፡ እምውስተ ፡ እንስሳሁ ፡ ነዓ ፡ ትርአይ ። ወወፅአ ፡ ፈ
 ፯ ፡ ረስ ፡ ጸሊም ፡ ወዘይጼዐኖ ፡ መዳልወ ፡ ያጸንዕ ። ወሰማዕኩ ፡ ቃላ ፡ በማእከ
 ሎሙ ፡ ለአልክቱ ፡ አርባዕቱ ፡ እንስሳሁ ፡ ከመ ፡ ቃላ ፡ ንስር ፡ ወይብል ፡ መ
 ስፈርተ ፡ ስርናይ ፡ በዲናር ፡ ወሠለስቱ ፡ መስፈርተ ፡ ሰገም ፡ በዲናር ፡ ወወ
 ፳ ፡ ይንሰ ፡ ወቅብእ ፡ ኢዮዐብሩ ። ወሶበ ፡ ፈትሐ ፡ ራብዐ ፡ ማኅተመ ፡ ወሰማዕ
 ፳፫ ፡ ኩ ፡ ቃላ ፡ ዘይብለኒ ፡ ራብዕ ፡ እምነ ፡ እንስሳሁ ፡ ነዓ ፡ ትርአይ ። ወወፅአ ፡ ፈረ
 ስ ፡ ኅመልሚል ፡ ወዘይጼዐኖ ፡ ሞት ፡ ስሙ ፡ ወሲኦል ፡ ትተልዎ ። ወወሀብ
 ፱ ፡ ዎ ፡ ሥልጣነ ፡ ላዕለ ፡ ራብዕተ ፡ እዲሃ ፡ ለምድር ፡ ከመ ፡ ያስተቃተሎሙ ፡ በኅ
 ፻ ፡ ጺን ፡ ወበረኃብ ፡ ወበሞት ፡ ወበአራዊተ ፡ ምድር ። ወሶበ ፡ ፈትሐ ፡ ኃምሰ ፡
 ማኅተመ ፡ ርኢኩ ፡ ታሕተ ፡ ምሥዋዕ ፡ ነፍሶሙ ፡ ለእለ ፡ ተቀተሉ ፡ በእንተ ፡
 ፻፲ ፡ ቃላ ፡ እግዚአብሔር ፡ ወበእንተ ፡ ዘዐቀቡ ፡ ሕጎ ። ወጸርኑ ፡ በቃል ፡ ዐቢ
 ይ ፡ ወይቤሉ ፡ እስከ ፡ ማእኬኑ ፡ እግዚአ ፡ ቅዱስ ፡ ወጻድቅ ፡ ኢትትቤቀሎ
 ሙኑ ፡ ወኢትኪንኖሙ ፡ በእንተ ፡ ደምነ ፡ እምእለ ፡ ይነብሩ ፡ ዲበ ፡ ምድ
 ፻፳ ፡ ር ። ወወሀብዎሙ ፡ አልባሰ ፡ ብሩሀ ፡ ለለአሐዱ ፡ እምኔሆሙ ፡ ወይቤልዎ
 ሙ ፡ ከመ ፡ ያዕርፉ ፡ ዓዲ ፡ ኅዳጠ ፡ መዋዕለ ፡ እስከ ፡ አመ ፡ ይትፌጸሙ ፡
 እለ ፡ ከማሆሙ ፡ አግብርተ ፡ እግዚአብሔር ፡ ወአኅዊሆሙ ፡ እለ ፡ ሀለዎ
 ፻፳፫ ፡ ሙ ፡ ይትቀተሉ ፡ ከማሆሙ ። ወሶበ ፡ ፈትሐ ፡ ሳድሰ ፡ ማኅተመ ፡ ኮነ ፡ ካዕ
 በ ፡ ዐቢይ ፡ ድልቅልቅ ፡ ወጸልመ ፡ ፀሐይ ፡ ወወርኅኒ ፡ ከመ ፡ ደም ፡ ኮነ ፡
 ፻፶ ፡ ኩለንታሁ ። ወከዋክብትኒ ፡ ወድቁ ፡ እምሰማይ ፡ ከመ ፡ ቁጽለ ፡ በለስ ፡ ሰ
 ፻፶፫ ፡ በ ፡ ይዘብጠ ፡ ዐቢይ ፡ ነፋስ ። ወሰማይኒ ፡ ተጠውመት ፡ ከመ ፡ ክርታስ ፡ ዘ
 ፻፷ ፡ ይጠወም ፡ ወአድባርኒ ፡ ወደሰያት ፡ ሰሰሉ ፡ ኩሉ ። ወነገሥተ ፡ ምድርኒ ፡
 ወመሳፍንት ፡ ወመላእክት ፡ ወአብዕልት ፡ ወዐበይት ፡ ወኩሉ ፡ ገብር ፡ ወ
 ፻፷፮ ፡ አግዳዚ ፡ ተኅብሉ ፡ ውስተ ፡ በአታት ፡ ወውስተ ፡ አድባር ። ወይቤልዎ
 ሙ ፡ ለአድባር ፡ ወለጸዋልዕት ፡ ደቁ ፡ ላዕሌነ ፡ ወክድኑነ ፡ እምገጸ ፡ ዘይነ
 ፻፸፮ ፡ ብር ፡ ዲበ ፡ መንበር ፡ ወእምነ ፡ መዓተ ፡ በግዑ ። እስመ ፡ በጽሐት ፡ ዕለተ ፡
 መዓቱ ፡ ዐባይ ፡ ወመኑ ፡ ይክል ፡ ተቃውሞታ ።

ምዕራፍ: ፯፻

ወእምድኅረ: ዝንቱ: ርኢኩ: ኦርባዕቱ: መላእክት: ይቀውሙ: ፩፤
 ውስተ: ኦርባዕቱ: መዓዝኒሃ: ለምድር: ከመ: ኢይንፋኅ: ነፋስ: ውስ
 ተ: ምድር: ወኢውስተ: ባሕር: ወኢውስተ: ዕፀታት = ወነጸርኩ: ወመ ፳፻
 ጽኦ: ካልእ: መልክክ: እምነ: ጽባሕ: ወይጸውር: ማኅተመ: እግዚአብ
 ሔር: ዘሕያው: ለዓለም = ወይቤሎሙ: በዐቢይ: ቃል: ለእልክቱ: ኦር
 ባዕቱ: መላእክት: እለ: ተውህበ: ሎሙ: ይቅሥፍዋ: ለምድር: ወለባ ፫፻
 ሕር = ወባሕቱ: ይቤሎሙ: ኢታሕምሙ: ምዕረስ: ኢምድረ: ወኢባሕ ፫፻
 ረ: ወኢዕፀታተ: እስከ: ይትኅተሙ: አግብርተ: እግዚአብሔር: ውስተ: ፫፻
 ፍጽሞሙ = ወሰማዕኩ: ኑልቆሙ: ለእለ: ተኅትሙ: ዐሠርቱ: ወኦርባ ፱፻
 ዕቱ: እልፍ: ወኦርብዓ: ምእት: እለ: ተኅትሙ: እምውስተ: ነሉ: ደ ፮፻
 ቂቀ: እስራኤል = እለ: እምውስተ: ሕዝበ: ይሁዳ: የወጸ፪: ወእለ: እ ፮፻
 ምውስተ: ሕዝበ: ሮቤል: የወጸ፪: ወእለ: እምውስተ: ሕዝበ: ጋድ: ፮፻
 የወጸ፪: ወእለ: እምውስተ: ሕዝበ: ኦሴር: የወጸ፪: ወእለ: እምውስ ፮፻
 ተ: ሕዝበ: ንፍታሌም: የወጸ፪: ወእለ: እምውስተ: ሕዝበ: ምናሴ: ፮፻
 የወጸ፪: ወእለ: እምውስተ: ሕዝበ: ስምዖን: የወጸ፪: ወእለ: እምው ፮፻
 ስተ: ሕዝበ: ሌዊ: የወጸ፪: ወእለ: እምውስተ: ሕዝበ: ይሳኮር: የወ ፮፻
 ጸ፪: ወእለ: እምውስተ: ሕዝበ: ዛብሎን: የወጸ፪: ወእለ: እምውስተ: ፭፻
 ሕዝበ: ዮሴፍ: የወጸ፪: ወእለ: እምውስተ: ሕዝበ: ብንያም: የወጸ፪ = ፭፻
 ወእሉ: እንክ: እሙንቱ: እለ: ተኅትሙ = ወእምድኅረዝ: ርኢኩ: ሰብ ፱፻
 እ: ብዙኃን: ዘአልቦ: ዘይክል: ኅልቆቶሙ: እምነ: ነሉ: አሕዛብ: ወ ፱፻
 እምነ: ነሉ: በሐውርት: ይቀውሙ: ቅድመ: መንበሩ: ወቅድመ: በግ ፱፻
 ዑ: ወይለብሱ: አልባሰ: ብሩህ: ወያጸንዑ: ውስተ: እደዊሆሙ: ጸበር ፱፻
 ተ = ወይጸርኑ: በቃል: ዐቢይ: ወይብሉ: ፍርቃን: ለአምላክነ: ለዘይነ ፲፻
 ብር: ዲበ: መንበሩ: ወለበግዑ = ወይቀውሙ: ነሎሙ: መላእክት: ወ ፲፻
 ሊቃናት: ዐውደ: መንበሩ: ወእልክቱኒ: ኦርባዕቱ: እንስሳሁ: ሰገዱ: ፲፪፻
 በገጸሙ: ቅድመ: መንበሩ: ለእግዚአብሔር = ወይብሉ: አሜን: ሎቱ: ፲፪፻
 ስብሐት: ወባርኮት: ወጥበብ: ወአኩቴት: ወኅይል: ወጽንዕ: ለአምላ ፲፫፻
 ክነ: ለዓለመ: ዓለም: አሜን = ወይቤለኒ: አሐዱ: እምነ: ሊቃናት: እ ፲፫፻
 ሉ: እለ: ይለብሱ: አልባሰ: ብሩህ: እምአይቱ: መጽኤ = ወእቤሎ: እ ፲፬፻
 ግዚአ: አንተ: ታአምር = ወይቤለኒ: እሉ: እሙንቱ: እለ: መጽኤ: እ ፲፬፻

ምዐቢይ ፡ ሕማም ፡ ወኅፀቡ ፡ አልባሲሆሙ ፡ ወአንጽሑ ፡ በደመ ፡ በግፁ ።
 175 ፡ ወበበይነ ፡ ዝንቱ ፡ በጽሑ ፡ ቅድመ ፡ መንበሩ ፡ ለእግዚአብሔር ፡ ወይሉ
 ብሕዎ ፡ መፀልተ ፡ ወሌሊተ ፡ በውስተ ፡ መቅደሱ ፡ ወዩዐርፍ ፡ ኅቤሆሙ ፡
 176 ፡ ውእቱ ፡ ዘይነብር ፡ ዲበ ፡ መንበሩ ፡ ወይጹልል ፡ ላዕሌሆሙ ። አይርኅቡ
 177 ፡ ኒ ፡ ወአይጸምኡኒ ፡ ወፀሐይ ፡ ሐሩርኒ ፡ አይረክቦሙ ። እስመ ፡ በግፁ ፡
 ዘቅድመ ፡ መንበሩ ፡ ይሬዕዮሙ ፡ ወይመረሐሙ ፡ ውስተ ፡ ነቅዐ ፡ ማየ ፡
 ሕይወት ፡ ወያሴስል ፡ እግዚአብሔር ፡ አንብዐ ፡ እምአዕይንቲሆሙ ።

ምዕራፍ ፡ ፳ ፡

178 ፡ ወሶበ ፡ ፈትሐ ፡ ሳብዐ ፡ ማኅተመ ፡ አርመመ ፡ ነሉ ፡ ዘበሰማይ ፡ እስከ ፡
 179 ፡ መንፈቀ ፡ ሰዓት ። ወርኢኩ ፡ ሰባዕተ ፡ መላእክተ ፡ እለ ፡ ይቀውሙ ፡ ቅድ
 180 ፡ መ ፡ እግዚአብሔር ፡ ወወሀብዎሙ ፡ ሰባዕተ ፡ መጣቅዕተ ። ወመጽአ ፡ ካል
 እ ፡ መልአክ ፡ ወቆመ ፡ ቅድመ ፡ ምሥዋዕ ፡ ወያጸንዕ ፡ ማዕጠንተ ፡ ወር
 ቅ ፡ ወወሀብዎ ፡ ብዙኅ ፡ ዕጣናተ ፡ ከመ ፡ የሀብ ፡ ለጸሎተ ፡ ነሉሙ ፡ ቅዱ
 181 ፡ ሳን ፡ በዲበ ፡ ምሥዋዕ ፡ ዘወርቅ ፡ ዘቅድመ ፡ መንበሩ ። ወዐርገ ፡ ጢሱ ፡
 ለውእቱ ፡ ዕጣን ፡ ምስለ ፡ ጸሎቶሙ ፡ ለቅዱሳን ፡ እምውስተ ፡ እዴሁ ፡ ለ
 182 ፡ ውእቱ ፡ መልአክ ፡ ቅድመ ፡ እግዚአብሔር ። ወነሥአ ፡ ውእቱ ፡ መልአ
 ክ ፡ ማዕጠንተ ፡ እምኅበ ፡ እሳት ፡ ዘምሥዋዕ ፡ ወአውረዳ ፡ ውስተ ፡ ምድ
 183 ፡ ር ። ወኮነ ፡ ነጉድጓድ ፡ ወፀዓዕ ፡ ወመብረቅ ፡ ወድልቅልቅ ። ወእልክቱ
 ኒ ፡ ሰባዕቱ ፡ መላእክት ፡ እለ ፡ ያጸንፁ ፡ ሰባዕተ ፡ መጣቅዕተ ፡ ተደለዉ ፡
 184 ፡ ከመ ፡ ይጥቅፁ ። ወሶበ ፡ ጠቅዐ ፡ ቀዳማዊ ፡ መልአክ ፡ ኮነ ፡ በረድ ፡ ወእ
 ሳት ፡ ምስለ ፡ ደም ፡ ድሙር ፡ ወወረደ ፡ ውስተ ፡ ምድር ፡ ወውዕየ ፡ ሣል
 ስተ ፡ እዴሃ ፡ ለምድር ፡ ወውዕዩ ፡ ነሉ ፡ ዕፅ ፡ ወሣዕር ፡ ኅመልሚል ።
 185 ፡ ወሶበ ፡ ጠቅዐ ፡ ካልእ ፡ መልአክ ፡ ወረደ ፡ ውስተ ፡ ባሕር ፡ እሳት ፡ ዐቢይ ፡
 ዘመጠነ ፡ ደብር ፡ እንዘ ፡ ይነድድ ፡ ወኮነ ፡ ደመ ፡ ሣልስተ ፡ እዴሃ ፡ ለባሕ
 186 ፡ ር ። ወሞተ ፡ ሣልስተ ፡ እዴሁ ፡ ለዘሀሎ ፡ ውስተ ፡ ባሕር ፡ ዘተፈጥረ ፡ ዘ
 ቦ ፡ መንፈሰ ፡ ሕይወት ፡ ወሣልስተ ፡ እዴሆን ፡ ለአሕማር ፡ ማሰና ።
 187 ፡ ወሶበ ፡ ጠቅዐ ፡ ሣልስ ፡ መልአክ ፡ ወረደ ፡ እምሰማይ ፡ ኮከብ ፡ ዐቢይ ፡ እ
 ንዘ ፡ ይነድድ ፡ ከመ ፡ እሳት ፡ ወወረደ ፡ ውስተ ፡ ሣልስተ ፡ እዴሆሙ ፡ ለ
 188 ፡ አፍላግ ፡ ወአንቅዕተ ፡ ማያት ። ወስሙ ፡ ለውእቱ ፡ ኮከብ ፡ ዕጉስታር ፡ ወ
 ኮነ ፡ ዕጉስታረ ፡ ሣልስተ ፡ እዴሆሙ ፡ ለማያት ፡ ምስለ ፡ ዐውሎ ፡ ወብዙ
 189 ፡ ኅ ፡ ሰብእ ፡ ዘሞተ ፡ እምነ ፡ ምረሩ ፡ ለማያት ። ወሶበ ፡ ጠቅዐ ፡ ራብዕ ፡ መ

ልአክ : ተቀሥፈት : ፀሐይ : ወጸልመት : ሣልስተ : እዴሃ : ወሣልስተ : እዴሃ : ለወርኅ : ወሣልስተ : እዴሃም : ለከዋክብት : ከመ : ኢያብርሁ : ወሣልስተ : እዴሃም : ለዕለት : ወለሌሊት :: ወሰማዕኩ : አሐዱ : ንስር : ፲፫ ፤
 ይሠርር : ማእከለ : ሰማይ : ወምድር : ወይብል : በዐቢይ : ቃል :: አሌ : ሎሙ : አሌ : ሎሙ : ለእለ : ይነብሩ : ዲቢ : ምድር : እምነ : ዘተርፈ : ቃለ : መጥቅም : ለሠለስቱ : መላእክት : እለ : ሀለም : ይጥቅዑ ::

ምዕራፍ : ፱ ፤

ወሶበ : ጠቅዐ : ኃምስ : መልአክ : ወረደ : ኮከብ : እምሰማይ : ዲቢ : ፮ ፤
 ምድር :: ወተውህበ : ሎቱ : መራኅተ : አንቅዕተ : ቀላያት :: ወዐርገ : ፳ ፤
 ጠስ : እምነ : ቀላይ : ከመ : ጠስ : እቶን : ዐቢይ : ወከደና : ለፀሐይ : ወኮነ : ከመ : ደመና : ውእቱ : ጠስ : ቀላይ :: ወእምነ : ውእቱ : ጠስ : ወ፫አ : አንበጣ : ውስተ : ምድር : ወወሀብም : ሥልጣነ : ይኩኑ : ከመ : ዐቃርብት : ውስተ : ምድር :: ወአዘዝም : ከመ : ኢያማስኩ : ሣዕረ : ወኢሳመልማለ : ወኢኹሎ : ዕፀ : ዘእንበለ : ለሰብእ : እለ : አልሰሙ : ማኅተመ : እግዚአብሔር : ውስተ : ፍጽሞም :: ወአዘዝም : ከመ : ኢይቅትልም : ዳእሙ : ከመ : ያሕምምም : ኅምስተ : አውራኅ :: ወሕማሞሰ : ከመ : ሕማመ : ዐቅራብ : ሶበ : ይነድፍ : ሰብአ :: ወበውእቶን : መዋዕል : የኅሥሥ : ሰብእ : ሞተ : ወኢይረክብ : ወይፈቱ : ይሙት : ወይትኅጣእ : እምኔሁ : መዊት :: ወከመዝ : ውእቱ : ራእዮሙ : ለእልክቱ : አናብጥ : ከመ : አፍራስ : ዘድልዋን : ለፀብእ : ይመስሉ : ወውስተ : ርእሶሙ : ሰሙ : ቀጸላ : በአምሳለ : ወርቅ : ወገጸሙ : ከመ : ገጸ : ሰብእ :: ወሥዕርቶሙ : ከመ : ሥዕርተ : አንስት : ወስነኒሆሙ : ከመ : ስነነ : አናብስት :: ወሰሙ : ጌራ : ከመ : ጌራ : ኅጺን : ወድምፀ : እገሪሆሙ : ከመ : ድምፀ : ሰረገላት : ብዙኅ : ዘያረውጹ : አፍራስ : ውስተ : ቀትል :: ወሰሙ : ዘነብ : ከመ : ዘነበ : ዐቅራብ : ወውስተ : ዘነሰሙ : ሰሙ : ቅንዋት : በዘብቱ : ይነድፍም : ለሰብእ : ኅምስተ : አውራኅ :: ወሰሙ : ንጉሥ : መልአክ : ቀላይ : ወስሙ : በዕብራይስጥ : አብዶን : ወበጽርእ : አጽልዮን :: ወበዝ : ኅለፈት : አሐቲ : ሕማም : ወተረፈ : ክልኤ : ሕማም :: ወሶበ : ጠቅዐ : ሳድስ : መልአክ : ሰማዕኩ : ቃለ : አሐደ : እምነ : አቅርንተ : ምሥዋዕ : ዘወርቅ : ዘቅድመ : መንበሩ : ለእግዚአብሔር :: ወይቤሎ : ለዝክቱ : ሳድስ : መልአክ : ዘያጸንዕ : መጥቅዐ : ፍትሖሙ : ለእልክቱ : አር

- ባዕቱ ፡ መላእክት ፡ አለ ፡ አሁራን ፡ ውስተ ፡ ፈለገ ፡ ኤፍራጥስ ፡ ዐቢይ ።
- ፲፮ ፡ ወሶበ ፡ ፈትሐሙ ፡ ለእልክቱ ፡ አርባዕቱ ፡ መላእክት ፡ አለ ፡ ድልዋን ፡ ለ ሰዓት ፡ ወለዕለት ፡ ወለወርኅ ፡ ወለዓመት ፡ ከመ ፡ ይቅትሉ ፡ ሣልስተ ፡ እ
- ፲፱ ፡ ዲሆሙ ፡ ለእንላ ፡ እመሕያው ። ወጉልቄ ፡ አፍራሲሆሙ ፡ ምክዕቢቲ ፡
- ፳ ፡ እልፍ ፡ እምአእላፍ ። ወከመዝ ፡ ርእየተ ፡ አፍራሲሆሙ ፡ ወዘለለ ፡ ይጾ ዐንዎሙ ፡ በሙ ፡ ጌራ ፡ ዘእሳት ፡ ዘኅብረ ፡ ደርከኖ ፡ ወአርእስተ ፡ አፍራ ሲሆሙ ፡ ከመ ፡ አርእስተ ፡ እናብስት ፡ ወይወዕእ ፡ እምነ ፡ አፋሆሙ ፡ እ
- ፳፩ ፡ ሳት ፡ ወጢስ ፡ ወተይ ። ወእምነ ፡ ዝንቱ ፡ ሠለስቱ ፡ ሕማም ፡ ሞተ ፡ ሣል ስተ ፡ እዲሁ ፡ ለእንላ ፡ እመሕያው ፡ እምነ ፡ እሳት ፡ ወጢስ ፡ ወተይ ፡ ዘይ
- ፳፪ ፡ ወዕእ ፡ እምነ ፡ አፋሆሙ ። እስመ ፡ ሥልጣን ፡ አፍራሲሆሙ ፡ ውስተ ፡ አ ፋሆሙ ፡ ወአዝናቢሆሙ ፡ ከመ ፡ አራዊተ ፡ ምድር ፡ ወበሙ ፡ ህየ ፡ አርእ
- ፳፫ ፡ ስት ፡ በዘቦቱ ፡ ይነስኩ ፡ ሰብአ ፡ ኅምስተ ፡ አውራኅ ። ወዘተርፈ ፡ ሰብአ ፡ ድኅነ ፡ እምነ ፡ ውእቱ ፡ መቅሠፍት ። ወቦ ፡ አለ ፡ ተኩነኑ ፡ በአምልኮ ፡ ግብረ ፡ እደዊሆሙ ፡ እስመ ፡ ኢነስሐ ፡ አለ ፡ አቅነዩ ፡ ርእሶሙ ፡ እንዘ ፡ ይሰግዱ ፡ ለአጋንንት ፡ ወለአማልክት ፡ ዘወርቅ ፡ ወዘብሩር ፡ ወዘብርት ፡
- ፳፬ ፡ ወዘዕዕ ፡ ወዘእብን ፡ አለ ፡ ኢይሬእዩ ፡ ወኢይሰምዑ ፡ ወኢየሐውሩ ። ወ ኢነስሐ ፡ ዓዲ ፡ እምነ ፡ ቀትሎሙ ፡ ወእምነ ፡ ሥራያቲሆሙ ፡ ወእምነ ፡ ዝሙቶሙ ፡ ወእምነ ፡ ስርቆሙ ።

ምዕራፍ ፡ ፲፫

- ፩ ፡ ወእምዝ ፡ ወረደ ፡ ካልእ ፡ መልአክ ፡ ዐቢይ ፡ እምሰማይ ፡ ወይትዐጾ ፍ ፡ ደመና ፡ ወቀስተ ፡ ደመና ፡ ውስተ ፡ ርእሱ ፡ ወብሩህ ፡ ገጸ ፡ ከመ ፡ ፀ
- ፪ ፡ ሐይ ፡ ወእገሪሁ ፡ ከመ ፡ አዕማይ ፡ እሳት ። ወውስተ ፡ እዲሁ ፡ ያጸንዕ ፡ መ ጽሐፈ ፡ ክሥተ ፡ ወኬደ ፡ በእግሩ ፡ እንተ ፡ የማን ፡ ውስተ ፡ ባሕር ፡ ወእን
- ፫ ፡ ተ ፡ ፀጋም ፡ ላዕለ ፡ ምድር ። ወጸርኅ ፡ በቃል ፡ ዐቢይ ፡ ከመ ፡ አንበሳ ፡ ዘይ ጥሕር ። ወሶበ ፡ ጸርኅ ፡ ተናገሩ ፡ ሰባዕቱ ፡ ነጉድጓድ ፡ በበቃላቲሆሙ ፡ በ
- ፬ ፡ በይነ ፡ ዘሀለዎ ፡ ይጸሐፍ ። ወሰማዕኩ ፡ እንዘ ፡ ይብል ፡ ቃለ ፡ ሰባዕቱ ፡ ነጉ ድጓድ ፡ ወፈቀድኩ ፡ እጽሐፎ ፡ ወእምዝ ፡ መጽአ ፡ ቃል ፡ እምሰማይ ፡ ዘ
- ፭ ፡ ይብል ፡ ኅትም ፡ ዘነበቡ ፡ ሰባዕቱ ፡ ነጉድጓድ ፡ ወኢትጽሐፍ ። ወውእቱ ሰ ፡ መልአክ ፡ ዘርኢኩ ፡ ዘኬደ ፡ ውስተ ፡ ባሕር ፡ ወውስተ ፡ ምድር ፡ አል
- ፮ ፡ ዐለ ፡ እዲሁ ፡ እንተ ፡ የማን ፡ ውስተ ፡ ሰማይ ። ወመሐለ ፡ በዘሕያው ፡ ለ ዓለመ ፡ ዓለም ፡ ዘፈጠረ ፡ ሰማይ ፡ ወነሱ ፡ ዘውስቴቱ ፡ ወምድረ ፡ ወነሱ ፡

ዘውስቲታ : ወባሕረ : ወዡሉ : ዘውስቲቱ ። ወአልቦ : እንከ : መዋዕል ።
 ዘእንበለ : መዋዕለ : ቃሉ : ለሳብዕ : መልአክ : ዘሀለዎ : ይጥቃዕ : ወቦቱ ። ፮ ፤
 የኅልቅ : ምሥጢሩ : ለእግዚአብሔር : ዘአሰፈዎሙ : ለአግብርቲሁ : ወለ
 ነቢያቲሁ ። ወውእቱ : ቃል : ዘሰማዕኩ : እምሰማይ : ተናገረ : ካዕቦ : ም ፳ ፤
 ስሌዩ : ወይቤለኒ : ሑር : ንሥእ : ለእንታክቲ : መጽሐፍ : ክሥት : እንተ :
 ውስተ : እዲሁ : ለዝክቱ : መልአክ : ዘኬደ : ውስተ : ባሕር : ወውስተ :
 ምድር ። ወሐርኩ : ኅብ : ውእቱ : መልአክ : ወእቤሎ : ከመ : የሀበንያ ። ፱ ፤
 ለይእቲ : መጽሐፍ ። ወይቤለኒ : ንሥእ : ወብልዓ : ወለትምረራ : ለከር
 ሥከ : ወብውስተ : አፉከሰ : ጥዕምተ : ለትኩንክ : ከመ : መዓር ። ወነሣእ ፲ ፤
 ካዋ : ለይእቲ : መጽሐፍ : እምነ : እዲሁ : ለውእቱ : መልአክ : ወበላዕክ
 ኃ : ወኮነተኒ : ጥዕምተ : በውስተ : አፉዩ : ወሶቦ : ውኅጥክዋ : አምረረ
 ታ : ለከርሥዩ ። ወይቤለኒ : ሀለወክ : ካዕቦ : ትትነቦይ : ለአሕዛብ : ወለሕ
 ዝብ : ወለበሐውርት : ወለነገሥት : ብዙኃን ።

ምዕራፍ : ፲፩ ፤

ወመጠወኒ : ሕለተ : ወርቅ : ዘመጠነ : በትር ። ወይቤለኒ : ንሣእ : ፮ ፤
 ወመጥን : ቤተ : መቅደሱ : ለእግዚአብሔር : ወምሥዋዎ : ወእለሂ : ይሰ
 ግዱ : ሎቱ ። ወዐጸደሰ : ጸናፌ : ኅድግ : ወኢትመጥን ። እስመ : ተውሀ ፳ ፤
 በት : ለአሕዛብ : በዛ : ሀገር : ቅድስት : ወይትካዩድዋ : አርብዓ : ወክልኤ
 ተ : አውራኅ ። ወእኤዝዘሙ : ለክልኤቱ : ጸድቃንዩ : ከመ : ይትነቦዩ ። ፫ ፤
 መዋዕለ : ዐሠርተ : ወክልኤተ : ምእተ : ወስሳ : እንዘ : ሠቀ : ይለብሱ ።
 ወእሉ : እሙንቱ : ክልኤ : ዕፀ : ዘይት : ወክልኤ : መኃትው : እለ : ቅድ ፬ ፤
 መ : እግዚአብሔር : እለ : ሥዩማን : ላዕለ : ምድር ። ወለዘፈቀደ : ይስሐ ፮ ፤
 ጠሙ : እምውስተ : ጸላእቶሙ : ትወዕእ : እሳት : እምነ : አፉሆሙ : ወ
 ታጠፍአሙ : ለጸላእቶሙ : ወከመዝ : ይመውቱ : እለ : ይስሕጥምሙ ።
 እስመ : እሙንቱ : ሥሉጣን : ላዕለ : ሰማይ : ከመ : ይዕጽውዋ : ከመ : እ. ፭ ፤
 ይዝንም : ዝናም : ላዕለ : ምድር : በመዋዕለ : ትንቢቶሙ ። ወዓዲ : ሥሉ
 ጣን : እሙንቱ : ላዕለ : ማይ : ከመ : ይረስይዎ : ደመ : ወያሕምምዋ : ለ
 ምድር : በዡሉ : መቅሠፍት : መጠነ : ፈቀዱ ። ወሶቦ : ፈጸሙ : ስምዖ ፯ ፤
 ሙ : ወትንቢቶሙ : አርዌ : ዘዐርገ : እምቀላይ : ተባኣሰ : ምስሌሆሙ :
 ወሞአሙ : ወቀተሎሙ ። ወአንበረ : በድኖሙ : ውስተ : ሀገር : ዐባይ : ፳ ፤
 እንተ : ስማ : ፍጥሞ : ዘኅቡእ : ሰዶም : ወግብጽ : ኅብ : ተጸልቦ : እግዚ. ፳ ፤

- II | አሙ ። ወይሬእይዎሙ ። አሕዛብ ፡ ወሕዝብ ፡ ወነገድ ፡ ወበሐውርት ፡ ለበድኖሙ ፡ ሠሉሰ ፡ መዋዕለ ፡ ወመንፈቀ ፡ ወኢያበውሐ ፡ ይቅብርዎሙ ፡ ወ
- III | ስተ ፡ መቃብር ፡ ለበድኖሙ ። ወይትሬሥሐ ፡ ላዕሌሆሙ ፡ እለ ፡ ይነብሩ ፡ ዲበ ፡ ምድር ፡ ወይጸገዉ ፡ በበይናቲሆሙ ፡ አምኃ ፡ ወይብሉ ፡ እስመ ፡ እሉ ፡ ክልኤቱ ፡ ነቢያት ፡ አሕመምዎሙ ፡ ለእለ ፡ ይነብሩ ፡ ዲበ ፡ ምድር
- IV | ር ። ወእምድኅረ ፡ ሠሉስ ፡ መዋዕል ፡ ወመንፈቅ ፡ ትመጽእ ፡ መንፈስ ፡ ሕይወት ፡ እምነበ ፡ እግዚአብሔር ፡ ወትበውእ ፡ ውስቲቶሙ ፡ ወይትነሥኡ ፡ ወይቀውሙ ፡ በእገሪሆሙ ፡ ወኮነ ፡ ፍርሃት ፡ ዐቢይ ፡ ላዕለ ፡ እለ ፡ ይሬእይዎሙ ። ወመጽአ ፡ ቃል ፡ እምሰማይ ፡ ወይቤሎሙ ፡ ዕርጉ ፡ ዝዩ ። ወእምዝ ፡ ዐርጉ ፡ ውስተ ፡ ሰማይ ፡ በደመና ፡ ወርእይዎሙ ፡ ጸላእቶሙ ።
- V | ወበይእቲ ፡ ሰዓት ፡ ኮነ ፡ ዐቢይ ፡ ድልቅልቅ ፡ ወወድቀ ፡ ዓሥርተ ፡ እዴሃ ፡ ለይእቲ ፡ ሀገር ፡ ወሞቱ ፡ በውእቱ ፡ ድልቅልቅ ፡ ሰብዓ ፡ ምእት ፡ ነፍስ ፡ ወደንገፁ ፡ እለ ፡ ተርፉ ፡ ወሰብሕዎ ፡ ወአእኩትዎ ፡ ለአምላክ ፡ ሰማይ ።
- VI | ወበዝ ፡ ኅለፈት ፡ ክልእት ፡ ሕማም ፡ ወተረፈት ፡ ሣልሲት ፡ ሕማም ።
- VII | ወሶበ ፡ ጠቅፀ ፡ ሳብዕ ፡ መልእክ ፡ መጽአ ፡ ቃል ፡ ዐቢይ ፡ እምሰማይ ፡ ዘይብል ፡ ኮነት ፡ መንግሥተ ፡ ዓለም ፡ ለእግዚእነ ፡ ወለመሲሐ ፡ ወይነግሥ ፡
- VIII | ለዓለመ ፡ ዓለም ። ወእልክቱኒ ፡ ዕሥራ ፡ ወአርባዕቱ ፡ ሊቃናት ፡ እለ ፡ ይነብሩ ፡ ቅድመ ፡ እግዚአብሔር ፡ በመናብርቲሆሙ ፡ ሰገዱ ፡ በገጸሙ ፡ ቅድመ ፡ እግዚአብሔር ። ወይቤሎ ፡ ናኦኑተክ ፡ እግዚኦ ፡ እግዚአብሔር ፡ ዘኩሎ ፡ ትመልክ ፡ ዘሀሎክ ፡ ወትሂሉ ፡ እስመ ፡ አንሣእክ ፡ ኅይለክ ፡ ዐቢይ
- IX | ዩ ፡ ወነሣእክ ፡ መንግሥተ ፡ ወአሕዛብሰ ፡ ተምዑ ፡ ወበጽሐ ፡ መዓትክ ፡ ወዘመኖሙ ፡ ለሙታን ፡ በዘይትኩነኑ ። ወከመ ፡ ተሀቦሙ ፡ ዕሴቶሙ ፡ ለአግብርቲክ ፡ ለነቢያት ፡ ወለቅዱሳን ፡ ወለእለ ፡ ይፈርሀ ፡ ስመክ ፡ ለንኡሶሙ ፡ ወለዐቢዮሙ ፡ ወከመ ፡ ትኩንኖሙ ፡ ለእለ ፡ ያማስንዋ ፡ ለምድር ።
- X | ወእምዝ ፡ ተርኅወ ፡ መቅደሱ ፡ ለእግዚአብሔር ፡ ዘውስተ ፡ ሰማይ ፡ ወአስተርአዩት ፡ ታቦተ ፡ ሕጉ ፡ ለእግዚአብሔር ፡ እንተ ፡ ውስተ ፡ መቅደሱ ። ወመጽአ ፡ መብረቅ ፡ ወቃለ ፡ ነገድኅድ ፡ ወድልቅልቅ ፡ ወበረድ ፡ ዐቢይ ።

ምዕራፍ ፡ ፲፪ ፤

- ፩ | ወአስተርአዩ ፡ ተአምር ፡ ዐቢይ ፡ በውስተ ፡ ሰማይ ፡ ብእሲት ፡ እንተ ፡ ትለብስ ፡ ፀሐዩ ፡ ወወርኅ ፡ ታሕተ ፡ እገሪሃ ፡ ወዲበ ፡ ርእሳ ፡ አክሊል ፡ ዘዐሠ
- ፪ | ርቱ ፡ ወክልኤቱ ፡ ከዋክብት ። ወዕንስት ፡ ይእቲ ፡ ብእሲት ፡ ወትግዕር ፡

ወተሐምም : ለወሊድ ። ወአስተርአየ : ካልእ : ተአምር : በውስተ : ሰማ ፩ ፤
 ይ : አርዌ : ዐቢይ : ወቀይሕ : በአምሳለ : እሳት : ዘሰባዕቱ : አርእስቲሁ :
 ወዐሠርቱ : አቅርንቲሁ : ወውስተ : አርእስቲሁ : ሰባዕቱ : ቀጸላ ። ወበዘነ ፱ ፤
 ቡ : ይስሕብ : ሣልስተ : እዴሆሙ : ለከዋክብተ : ሰማይ : ወአውረይሙ :
 ውስተ : ምድር ። ወቆመ : ውእቱ : አርዌ : ከመ : ሶበ : ወለደት : ይብላዕ :
 ሕፃና ። ወወለደት : ወልደ : ተባዕተ : ዘውእቱ : ይሬዕዮሙ : ለኵሉ : አ ፮ ፤
 ሕዛብ : በበትረ : ጎጺን ። ወመሰጥዎ : ለውእቱ : ሕፃን : ወወሰድዎ : ጎበ :
 እግዚአብሔር : ውጎበ : መንበሩ ። ወጎዮት : ይእቲ : ብእሲት : ውስተ : ፮ ፤
 ገዳም : ወውስተ : መካን : ዘአስተዳለወ : ላቲ : እግዚአብሔር : ከመ : ት
 ትዐቀብ : በህየ : በኵሉ : መዋዕል : ዐሠርተ : ወክልኤተ : ምእተ : ወስሳ :
 ዕለተ ። ወዐብእዎ : በሰማይ : ለውእቱ : አርዌ : ማካኤል : ወመላእክቲ ፮ ፤
 ሁ : ወተፃብአሙ : ውእቱ : አርዌ : ምስለ : መላእክቲሁ ። ወስእኖሙ : ፭ ፤
 ወአረከበ : እንክ : መካነ : በውስተ : ሰማይ ። ወወድቀ : ውስተ : ምድር : ፱ ፤
 ውእቱ : አርዌ : ዐቢይ ። ወአርዌሰ : ዐቢይ : ዘውእቱ : ቀዲሙ : ዘአስሐ
 ቶሙ : ለኵሉ : ዓለም : ዘስሙ : ሰይጣን : ወወድቀ : ውስተ : ምድር : ወ
 መላእክቲሁኒ : ወድቁ : ምስሌሁ : ውስተ : ምድር ። ወሰማዕኩ : ቃለ : ፲ ፤
 ዐቢየ : በውስተ : ሰማይ : ዘይብል : ኮነት : መድኅኒት : ውጎይል : ወመን
 ግሥት : ለአምላክነ : ወሥልጣነ : መሲሐ ። እስመ : ወድቀ : መስተዋድ
 ይ : ዘአስተዋደዮሙ : ለአጎዊነ : ቅድመ : እግዚአብሔር : መዐልተ : ወ
 ሌሊቲ ። ወሞእዎ : እሙንቱ : በእንተ : ደመ : በግዑ : ወበእንተ : ቃለ : ፲፮ ፤
 ጽድቆሙ : እስመ : ኢያብደሩ : ነፍሶሙ : እስከ : ለሞት ። ወበእንቲአሆ ፲፭ ፤
 ሙ : ተራሥሐ : ሰማያት : ወእለ : ይነብሩ : ውስቲቶን ። አሌላ : ለምድ
 ር : ወለባሕር : እስመ : ወረደ : ሰይጣን : ውስቲቶሙ : ምስለ : ዐቢይ :
 ሕምዙ : እስመ : ያአምር : ከመ : ውኑድ : መዋዕል : ተረፎ ። ወሶበ : ርእ ፲፱ ፤
 ዩ : ዝክቱ : አርዌ : ከመ : ወድቀ : ውስተ : ምድር : ዴገና : ለእንታክቲ :
 ብእሲት : እንተ : ወለደት : ሕፃነ : ተባዕተ ። ወተውሀባ : ለይእቲ : ብእሲ ፲፱ ፤
 ት : ክልኤ : ክንፍ : ዘዐቢይ : ንስር : ከመ : ትሥርር : ውስተ : ገዳም : ወ
 ውስተ : መካን : ጎበ : ትትዐቀብ : በኵሉ : መዋዕል : ዘመነ : ወአዝግነ :
 ወመንፈቀ : ዘመን : እምቅድመ : ገጹ : ለውእቱ : አርዌ : ወሠረረ : ወዴ
 ገና : ውእቱ : አርዌ ። ወአውዕአ : እምነ : አፋሁ : ውእቱ : አርዌ : ማየ : ፲፭ ፤
 ብዙጎ : እንተ : ድጎሬሃ : ለይእቲ : ብእሲት : ከመ : ፈለግ : ዐቢይ : ከመ :
 ይንሥአ : ውሒዙ ። ወረድኡታ : ምድር : ለይእቲ : ብእሲት : ወአርጎወ ፲፮ ፤
 ት : አፋሃ : ምድር : ወሰረበቶ : ለውእቱ : ውሒዝ : ዘአውሐዘ : ውእቱ :

153 ፡ አርዌ ፡ እምነ ፡ አፋሁ ፡ ወኢያእመረ ፡ ከመ ፡ ተውሀበ ፡ ላቲ ፡ ክንፍ ። ወ
 ተምዐ ፡ ውእቱ ፡ አርዌ ፡ ለይእቲ ፡ ብእሲት ፡ ወሐረ ፡ ይፅብኦሙ ፡ ለእለ ፡
 ተረፋ ፡ ውሉደ ፡ ለእለ ፡ የዐቅቡ ፡ ትእዛዘ ፡ እግዚአብሔር ፡ ወይሄልዉ ፡
 154 ፡ በጽድቁ ፡ ለኢየሱስ ፡ ክርስቶስ ። ወቆመ ፡ ላዕለ ፡ ኅጻ ፡ ባሕር ።

ምዕራፍ ፡ 16 ፡

1 ፡ ወወፅኦ ፡ አርዌ ፡ እምነ ፡ ባሕር ፡ ዘዐሠርቱ ፡ አቅርንቲሁ ፡ ወሰባዕቱ ፡
 አርእስቲሁ ። ወውስተ ፡ አቅርንቲሁ ፡ ዐሠርቱ ፡ ቀጸላ ። ወውስተ ፡ አርእ
 2 ፡ ስቲሁ ፡ ስመ ፡ ፅርፈት ። ወይመስል ፡ ውእቱ ፡ አርዌ ፡ ነምረ ፡ ወእገሪሁ ፡
 ከመ ፡ ድብ ፡ ወአፋሁ ፡ ከመ ፡ አንበሳ ፡ ወወሀቦ ፡ ገዝቱ ፡ አርዌ ፡ ቀዳማ
 3 ፡ ዊ ፡ ኅይሎ ፡ ወመንበር ፡ ወዕበየ ፡ ሥልጣኑ ። ወአሐቲ ፡ እምነ ፡ አርእስ
 ቲሁ ፡ እንተ ፡ ተረግዘት ፡ በሞት ፡ ወቅህለ ፡ ሞቱስ ፡ ሐይወ ፡ ወአንከረ
 4 ፡ ቶ ፡ ነላ ፡ ምድር ፡ ወተለውዎ ፡ ለውእቱ ፡ አርዌ ። ወሰገዱ ፡ ሎቱ ፡ ለዝ
 ክቱ ፡ አርዌ ፡ ቀዳማዊ ፡ አስመ ፡ ወሀቦ ፡ ለዝንቱ ፡ አርዌ ፡ ሥልጣኖ ፡ ወሰ
 5 ፡ ገዱ ፡ ሎቱ ፡ ለውእቱ ፡ አርዌ ፡ እንዘ ፡ ይብሉ ፡ መኑ ፡ ይመስሎ ፡ ለዝንቱ ፡
 6 ፡ አርዌ ፡ ወመኑ ፡ ይክል ፡ ዐቢአቶ ። ወተውሀበ ፡ ሎቱ ፡ አፍ ፡ ከመ ፡ ይንብ
 ብ ፡ ዐቢያተ ፡ ወፅርፈታተ ፡ ወተውሀበ ፡ ሎቱ ፡ ሥልጣን ፡ ይግበር ፡ ተአ
 7 ፡ ምረ ፡ ዘፈቀደ ፡ አርብዓ ፡ ወክልኤተ ፡ አውራኅ ። ወእምዝ ፡ ፈትሐ ፡ አፋ
 ሁ ፡ ከመ ፡ ይፅርፍ ፡ ላዕለ ፡ እግዚአብሔር ፡ ወላዕለ ፡ ስሙ ፡ ወላዕለ ፡ ጽር
 8 ፡ ሐ ፡ መቅደሱ ፡ ዘበሰማይ ። ወተውሀቦ ፡ ከመ ፡ ይግበር ፡ ፀብኦ ፡ ምስለ ፡
 ቅዱሳን ፡ ወይማኦሙ ፡ ወተውሀቦ ፡ ሥልጣን ፡ ላዕለ ፡ ነሉ ፡ አሕዛብ ፡ ወ
 9 ፡ ሕዝብ ፡ ወበሐውርት ፡ ወነገድ ። ወሰገዱ ፡ ሎቱ ፡ ነሎሙ ፡ እለ ፡ ይነብ
 ፋ ፡ ዲብ ፡ ምድር ፡ እለ ፡ ኢኮኑ ፡ ጽሑፋን ፡ አስማቲሆሙ ፡ ውስተ ፡ መጽ
 10 ፡ ሐፈ ፡ ሕይወት ፡ ዘበግዑ ፡ ዘተቀትለ ፡ ዘእምፍጥረተ ፡ ዓለም ። ዘዐ ፡ እዝ
 11 ፡ ን ፡ ሰሚዐ ፡ ለይስማዕ ። ወተሄወደ ፡ ሕሊናየ ። ወዘሰ ፡ በመጥባሕት ፡ ይ
 ቀትል ፡ ሀለዎ ፡ ይሙት ፡ በመጥባሕት ። ወዝየ ፡ ውእቱ ፡ ትዕግሥቶሙ ፡
 12 ፡ ወሃይማኖቶሙ ፡ ለቅዱሳን ፡ ብዕዕት ፡ ወኢእንክርቱ ፡ ለሰይጣን ። ወእም
 13 ፡ ዝ ፡ ወዕኦ ፡ ክልእ ፡ አርዌ ፡ እምነ ፡ ምድር ፡ ወክልኤቱ ፡ አቅርንቲሁ ፡ ወ
 14 ፡ ይመስል ፡ ከመ ፡ በግዕ ፡ ወይነብብ ፡ ከመ ፡ አርዌ ። ወበሥልጣኑ ፡ ለቀዳ
 ማዊ ፡ አርዌ ፡ ይገብር ፡ ነሎ ፡ በቅድሚሁ ፡ ወይራስያ ፡ ለምድር ፡ ከመ ፡
 15 ፡ እለ ፡ ይነብሩ ፡ ውስቲታ ፡ ይሰገዱ ፡ ሎቱ ፡ ለቀዳማዊ ፡ አርዌ ፡ ዘሐይወ ፡
 16 ፡ እምቅህለ ፡ ሞቱ ። ወገብረ ፡ ተአምራተ ፡ ዐበይተ ፡ ከመ ፡ ያውርድ ፡ እ

ምሰማይ : እሳተ : ውስተ : ምድር : ቅድመ : እንላ : እመሕያው ። ወያስ ፲፱ ፤
 ሕቶሙ ። ለእለ : ይነበሩ ። ዲበ : ምድር : በእንተ : ተአምር : ዙተውሀበ ።
 ሎቱ : ይግበር : በቅድመ : ውእቱ : አርዌ ። ወይቤሎሙ ። ለእለ : ይነበ
 ሩ ። ውስተ : ምድር : ከመ : ይግበሩ ። አምሳሎ ። ለዝንቱ : አርዌ ። ዘቄስለ ።
 በመጥባሕት ። ወሐይወ ። ወተውሀበ ። ሎቱ : ይደይ ። ውስቱቱ ። መንፈሰ ። ፲፱ ፤
 ለአምሳለ ። ዝንቱ ። አርዌ ። ከመ ። ይነበብ ። ምስሉ ። ለውእቱ ። አርዌ ። ወ
 ገብሮሙ ። ለኩሎሙ ። ይስግዱ ። ለአምሳለ ። ዝንቱ ። አርዌ ። ከመ ። ይመ
 ቱ ። ወይገብር ። ኩሉ ። ንኡሱ ። ወሀበይ ። ኡብዕልት ። ወነዳያን ። አግብር ፲፱ ፤
 ት ። ወአግዳዝያን ። ከመ ። ይጽሐፉ ። ውስተ ። እደዊሆሙ ። እንተ ። የማን ።
 ወእመ ። አከ ። ውስተ ። ፍጽሞሙ ። ወከመ ። አልቦ ። ዘይክል ። ሠይጠ ። ወ ፲፱ ፤
 ተሣይጦ ። እንበለ ። እለ ። ጽሑፋን ። እሙንቱ ። ትአምርተ ። ስሙ ። ለውእ ፲፱ ፤
 ቱ ። አርዌ ። አው ። ዘኅልቄ ። ስሙ ። ወዘሰ ። ጠበብ ። ውእቱ ። ወዘቦ ። ል
 ብ ። ያእምር ። ኅላቋሁ ። ለውእቱ ። አርዌ ። እስመ ። አምጣን ። እንላ ። እመ
 ሕያው ። ውእቱ ። ወኅላቋሁኒ ። ስድስቱ ። ምእት ። ወስሳ ። ወስድስቱ ። ።

ምዕራፍ : ፲፱ ፤

ወእምዝ ። ቆመ ። ዝክቱ ። በግዕ ። ላዕለ ። ደብረ ። ጽዮን ። ወምስሌሁ ። ፯ ፤
 ፲ወፀፀየወፀፀ ። እለ ። ጽሑፍ ። ውስተ ። ፍጽሞሙ ። ስሙ ። ወስመ ። አቡሁ ።
 ወስመ ። ቅዱስ ። መንፈሰ ። ወመጽኦ ። ቃል ። እምሰማይ ። ከመ ። ቃለ ። ማ ፳ ፤
 ይ ። ብዙኅ ። ወከመ ። ቃለ ። ንጉድጓድ ። ሀበይ ። ወከመ ። ቃለ ። መሰናቂት ።
 ሶበ ። ይሰነቅወ ። በመሰንቆታተሆሙ ። ወየኅልዩ ። ማኅሌተ ። ሐዲሰ ። ቅ ፳ ፤
 ድመ ። መንበሩ ። ወቅድመ ። አልክቱ ። አርባዕቱ ። እንስሳሁ ። ወአልክቱኒ ።
 ሊቃናት ። ወአልቦ ። ዘይክል ። አእምሮታ ። ለደእቱ ። ማኅሌት ። ዘእንበለ ።
 እልክቱ ። ፲ወፀፀየወፀፀ ። እለ ። ተቤዘወ ። እምነ ። ምድረ ። ግብጽ ። እለ ። ን ፱ ፤
 ጹሓን ። እሙንቱ ። እምአንስት ። በከመ ። ተወልዱ ። እሙንቱ ። እለ ። ተለ
 ውዎ ። ለበግዑ ። ኅበ ። ሐረ ። እለ ። ቀደሙ ። ተቤዝዎ ። እምነ ። እንላ ። እመ
 ሕያው ። ለእግዚአብሔር ። ወለበግዑ ። ወኢተረክበ ። ሐሰት ። ውስተ ። አ ፳ ፤
 ፋሆሙ ። እስመ ። ንጹሓን ። እሙንቱ ። እምኃጦአት ። ወእምዝ ። መጽኦ ። ፳ ፤
 ካልእ ። መልአክ ። እንዘ ። ይሠርር ። ማእከለ ። ሰማይ ። ወምድር ። ወይጸው
 ር ። ወንጌለ ። ዘለግለም ። ከመ ። ይሰብክ ። ሎሙ ። ለእለ ። ይነበሩ ። ዲበ ።
 ምድር ። ወለኩሎሙ ። አሕዛብ ። ወሕዝብ ። ወነገድ ። ወበሐውርት ። እን ፳ ፤
 ዘ ። ይብል ። በቃል ። ሀበይ ። ፍርሀዎ ። ለእግዚአብሔር ። ወሰብሕዎ ። እስ

መ ፡ በጽሑት ፡ ሰዓተ ፡ ደይኑ ፡ ወስግዳ ፡ ሎቱ ፡ ለዘገብረ ፡ ሰማየ ፡ ወምድ
 ፳ ፡ ረ ፡ ወበሕረ ፡ ወአፍላገ ፡ ወአንቅዕተ ፡ ማያት ፡ ። ወካልእ ፡ መልአክ ፡ ተለ
 ፱ ፡ ወዝሙታ ፡ ዘአስተየት ፡ ለነሉ ፡ አሕዛብ ። ወሣልስ ፡ መልአክ ፡ ተለም
 ሙ ፡ እንዘ ፡ ይብል ፡ በቃል ፡ በቢይ ፡ ዘሰገደ ፡ ለዝክቱ ፡ አርዌ ፡ ወለምስ
 ሉ ፡ ወለዘጽሑፍ ፡ ትእምርቱ ፡ ውስተ ፡ ፍጽሙ ፡ አው ፡ ውስተ ፡ እደሁ ።
 ፲ ፡ ይስተይ ፡ ውእቱኒ ፡ ወይን ፡ መዓቱ ፡ ለእግዚአብሔር ፡ ዘቅዳሕ ፡ ውስተ ፡
 ጽዋፀ ፡ መዓቱ ፡ ዘኢኮነ ፡ ቱሱሐ ፡ ወይትኩካንን ፡ በእሳት ፡ ወተይ ፡ በቅድ
 ፲፮ ፡ መ ፡ መለአክቲሁ ፡ ወበቅድመ ፡ በግፁ ። ወዐርገ ፡ ጤሰ ፡ ደይኖሙ ፡ ለዓለ
 መ ፡ ዓለም ። ወአልቦሙ ፡ ዕረፍት ፡ መዐልተ ፡ ወሌሊተ ፡ ወዘንተ ፡ ነኑ
 ኔ ፡ ይረክቡ ፡ እለ ፡ ይሰግዱ ፡ ለውእቱ ፡ አርዌ ፡ ወለምስሉ ፡ ወእለ ፡ ያጽ
 ፲፪ ፡ ሕፉ ፡ ትእምርተ ፡ ስሙ ። ወዝውእቱ ፡ ትፅግሥቶሙ ፡ ለቅዳሳን ፡ እለ ፡
 ፲፫ ፡ የዐቅቡ ፡ ትእዛዘ ፡ እግዚአብሔር ፡ ወገይማኖቶ ፡ ለኢየሱስ ። ወመጽአ ፡
 ቃል ፡ እምሰማይ ፡ ዘይብል ፡ ጸሐፍ ፡ ይእዘ ፡ ብፁዓን ፡ እለ ፡ ሞቱ ፡ በእን
 ተ ፡ እግዚአብሔር ። እው ፡ ከማሁ ፡ ይቤ ፡ መንፈስ ፡ ቅዱስ ። ከመ ፡ ያዕር
 ፲፬ ፡ ፉ ፡ እምነ ፡ ጸማሆሙ ፡ ወተለምሙ ፡ ግብሮሙ ። ወመጽአት ፡ ደመና ፡ ብ
 ርህት ፡ ወውስተ ፡ ይእቱ ፡ ደመና ፡ ይነብር ፡ ወልደ ፡ አንለ ፡ እመሕያው ፡
 ወአክለለ ፡ ወርቅ ፡ ዲቢ ፡ ርእሱ ፡ ወማዕዕድ ፡ በሊሕ ፡ ውስተ ፡ እደሁ ።
 ፲፭ ፡ ወወዕአ ፡ ካልእ ፡ መልአክ ፡ እምነ ፡ መቅደሱ ፡ ወይጸርጎ ፡ ሎቱ ፡ በቃል ፡
 ዐቢይ ፡ ለዘይነብር ፡ ውስተ ፡ ደመና ፡ ወይብል ፡ ፈኑ ፡ ማዕዕደክ ፡ በሊሕ ፡
 ወዕዕድ ፡ እስመ ፡ በጽሑት ፡ ሰዓት ፡ ለዐጊድ ፡ እስመ ፡ የብሰ ፡ ማእረረ ፡ ም
 ፲፮ ፡ ድር ። ወእምዝ ፡ አልዐለ ፡ ማዕዕድ ፡ ውእቱ ፡ ዘይነብር ፡ ውስተ ፡ ደመና ፡
 ላዕለ ፡ ምድር ፡ ወተዐዕደት ፡ ምድር ። ወወዕአ ፡ ካልእ ፡ መልአክ ፡ እም
 ፲፯ ፡ ነ ፡ መቅደሱ ፡ ዘውስተ ፡ ሰማይ ፡ ወይጸውር ፡ ውእቱኒ ፡ ማዕዕደ ፡ በሊሕ ።
 ፲፰ ፡ ወካልእ ፡ መልአክ ፡ ተለም ፡ እምነ ፡ ምሥዋዕ ፡ ዘውእቱ ፡ ሥሉጥ ፡ ላዕለ ፡
 እሳት ፡ ወጸውዖ ፡ በቃል ፡ ዐቢይ ፡ ለዝክቱ ፡ ዘይጸውር ፡ ማዕዕደ ፡ በሊሕ ፡
 ወይቤሎ ፡ ፈኑ ፡ ማዕዕደክ ፡ በሊሕ ፡ ወቅሥም ፡ አስካሎ ፡ ለዐጸደ ፡ ወይና ፡
 ፲፱ ፡ ለምድር ፡ እስመ ፡ ዐቢይ ፡ አስካሎ ። ወነሥአ ፡ ውእቱ ፡ መልአክ ፡ ማዕዕ
 ዶ ፡ ወአውረደ ፡ ውስተ ፡ ምድር ፡ ወቀሠመ ፡ ቡቱ ፡ ዐጸደ ፡ ወይና ፡ ለም
 ፳ ፡ ድር ፡ ወወደዮ ፡ ውስተ ፡ ምክያደ ፡ መዓቱ ፡ ለእግዚአብሔር ፡ ዐቢይ ። ወ
 አኬድም ፡ በምክያድ ፡ በአፍአ ፡ እምነ ፡ ሀገር ፡ ወወዕአ ፡ ደም ፡ እምነ ፡ ው
 እቱ ፡ ምክያድ ፡ ወበጽሐ ፡ እስክ ፡ ኅብ ፡ ልንመ ፡ ፈረስ ፡ ወውሕዘ ፡ እስክ ፡
 ዐሠርቱ ፡ ወስድሱቱ ፡ ምዕራፍ ።

ምዕራፍ : ፲፮ :

ወአስተርአየ : ተአምር : ዐበይ : በሰማይ : ሰባዕቱ : መላእክት : እ ፮ ፤
 ለ : ይጸውሩ : ሰባዕተ : መቅወፍተ : በዘቦቱ : የኅልቅ : መዓቱ : ለእግዚ ፪ ፤
 አብሔር ። ወርኢኩ : ባሕረ : እንተ : ትመስል : ክመ : ማህው : ወድምር ፫ ፤
 ት : በእሳት : ወእልክቱ : እለ : ሞአዎ : ለዝክቱ : አርዌ : ወለምስሉ : ወለ ፬ ፤
 ኅልቄ : ስሙ : ይቀውሙ : ላዕለ : ይእቲ : ባሕር : ወይጸውሩ : መሰንቆ :
 መዝሙር : ዘእግዚአብሔር ። ወይሱብሔ : ለእግዚአ : ነሉ : በክመ : ሰ ፵ ፤
 ብሔ : ሙሴ : ገብረ : እግዚአብሔር : በስብሐተ : በግዑ : ወይብሉ : ዐበ ፯ ፤
 ይ : ወመድምም : ግብርክ : እግዚአ : እግዚአብሔር : ዘነሉ : ትመልክ :
 ጽድቅ : ወርትዕ : ፍናዊክ : ዘነገሥክ : ላዕለ : ነሉ : አሕዛብ ። ወመኑ : ዘ ፱ ፤
 አይፈርሀክ : ወአይሱብሔ : ለስምክ ። እስመ : ባሕቲትክ : ጸድቅ : አን ፲ ፤
 ተ : ወሥሉጥ : እንተ : ላዕለ : ነሉ : አሕዛብ : ወይሰግዱ : ቅድሚክ : እ ፳ ፤
 ግዚአ : ነሉ : ተግባርክ : እስመ : አስተርአየ : ነኅኔክ ። ወእምድኅረ : ዝ ፳፩ ፤
 ንቱ : ተርኅወ : መቅደስ : ዘይብተራ : ስምዕ : ዘውስተ : ሰማይ ። ወወዕ ፳፪ ፤
 ኡ : እልክቱ : ሰባዕቱ : መላእክት : እለ : ይጸውሩ : ሰባዕተ : መቅወፍተ :
 እምነ : መቅደሱ : ወይሉብሱ : ንጹሐ : ወብሩሀ : ወቅኑታን : እሙንቱ : በ ፳፫ ፤
 ቅናተ : ወርቅ : እንተ : መንገለ : እንግድአቲሆሙ ። ወእሐዱ : እምነ : እ ፳፬ ፤
 ልክቱ : አርባዕቱ : እንስህሁ : መጠምሙ : ለእልክቱ : ሰባዕቱ : መላእክት :
 ሰባዕተ : ጽዋዓተ : ወርቅ : ምሉአነ : መዓቱ : ለእግዚአብሔር : ዘሕያው :
 ለዓለመ : ዓለም ። ወእምዝ : መልአ : መቅደሱ : ጠሰ : መዓቱ : ለእግዚ ፳፭ ፤
 አብሔር : ወእምኅይሉ : ወአልዐ : ዘይክል : በዊአ : ውስተ : መቅደሱ :
 እስክ : ኅልቀ : ሰባዕቱ : መቅወፍተ : ዘሰባዕቱ : መላእክት ።

ምዕራፍ : ፲፯ :

ወይቤሎሙ : ቃል : እምሰማይ : እምነ : መቅደሱ : ለእልክቱ : ሰባ ፮ ፤
 ዕቱ : መላእክት : ሑሩ : ወከዐዉ : ጽዋዐ : መዓቱ : ለእግዚአብሔር : ው ፪ ፤
 ስተ : ነላ : ምድር ። ወሐረ : መልአክ : ቀዳማዊ : ወከዐዉ : ጽዋዎ : ውስ ፫ ፤
 ተ : ምድር : ወመጽአ : ላዕለ : እልክቱ : ሰብእ : እለ : ተጽሕፋ : ትእምር ፬ ፤
 ቶ : ለዝክቱ : አርዌ : ወሰገዱ : ለምስሉ : ወመጽአ : ላዕሌሆሙ : ጸልዕ :
 እኩይ ። ወከዐዉ : ካልእ : ጽዋዎ : ውስተ : ባሕር : ወኮነት : ባሕር : ደመ : ፵ ፤
 ወሞተ : ነሉ : ነፍሰ : ሕይወት : ዘውስተ : ባሕር ። ወከዐዉ : ኅልስ : ጽ ፶ ፤

ጥዖ ፡ ውስተ ፡ አፍላግ ፡ ወውስተ ፡ አንቅዕተ ፡ ማያት ። ወኮነ ፡ ደመ ፡ አን
 ፳፩ ፡ ቅዕተ ፡ ማያት ። ወይቤ ፡ መልአክ ፡ አንቅዕተ ፡ ማያት ፡ ጸድቅ ፡ አንተ ፡ እ
 ፳፪ ፡ ግዚአ ፡ ወራትዕ ፡ ዘሀለውከ ፡ ወትሂሉ ፡ ወከመዝ ፡ ከነንክ ። እስመ ፡ ከፀ
 ወ ፡ ደመ ፡ ቅዱሳኒክ ፡ ወነቢያተክ ፡ ወአስተይካሆመ ፡ ደሞሙ ፡ እስመ ፡
 ፳፫ ፡ ይደልዎሙ ። ወሰማዕኩ ፡ ቃለ ፡ ዘይቤ ፡ በውስተ ፡ ምሥዋዕ ፡ እወ ፡ እግ
 ዘኣ ፡ እግዚአብሔር ፡ ዘኩሎ ፡ ትመልክ ፡ ጽድቅ ፡ ወርትዕ ፡ ኩነኒክ ።
 ፳፬ ፡ ወከፀወ ፡ ራብዕ ፡ ጽዋዖ ፡ ውስተ ፡ ፀሐይ ፡ ወተውህበ ፡ ሎቱ ፡ ሐሩር ፡ ከ
 ፳፭ ፡ መ ፡ ያውዕዮ ፡ ለሰብእ ፡ በእሳት ። ወውዕዩ ፡ ሰብእ ፡ በዐቢይ ፡ ሐሩር ፡ እስ
 ከ ፡ ይፀርፉ ፡ ላዕለ ፡ ስመ ፡ እግዚአብሔር ፡ ዘውኣቱ ፡ ሥሉጥ ፡ ላዕለ ፡ አል
 ፳፮ ፡ ክቱ ፡ መቅዋፍታት ፡ ወኣኒስሐ ፡ ከመ ፡ ያእኩትዎ ። ወከፀወ ፡ ኃምስ ፡
 ጽዋዖ ፡ ላዕለ ፡ መንበሩ ፡ ለዝክቱ ፡ አርዌ ፡ ወጸልመት ፡ መንግሥቱ ፡ እስ
 ፳፯ ፡ ከ ፡ ይሚጽሩ ፡ ልሳናተሆሙ ፡ ሰብእ ፡ በሕማም ። ወእስከ ፡ ይፀርፉ ፡ ላዕ
 ለ ፡ እግዚአ ፡ ሰማይ ፡ እምነ ፡ ሕማመ ፡ አጽልዕተሆሙ ፡ ወኣኒስሐ ፡ እ
 ፳፰ ፡ ምነ ፡ ግብርመ ። ወከፀወ ፡ ሳድስ ፡ ጽዋዖ ፡ ውስተ ፡ ፈለግ ፡ በቢይ ፡ ዘኤ
 ፍራጥስ ፡ ወዩብስ ፡ ማዩ ፡ ከመ ፡ ትደሎ ፡ ፍኖቶሙ ፡ ለነገሥት ፡ አለ ፡ እ
 ፳፱ ፡ ምነ ፡ ምሥራቅ ፡ ፀሐይ ። ወእምዝ ፡ ወዕኡ ፡ እምነ ፡ አፋሁ ፡ ለዝንቱ ፡ አ
 ርዌ ፡ ቀዳማዊ ፡ ወእምአፋሁ ፡ ለአንበሳ ፡ ወእምአፋሁ ፡ ለሐሳዌ ፡ ነቢይ ፡
 ፳፻ ፡ ሠለስቱ ፡ አጋንንት ፡ ርኩሳን ። ወከመ ፡ ቈርንናግት ፡ እሙንቱ ፡ መንፈስ ፡
 አጋንንት ፡ ወይገብሩ ፡ ተኡምራተ ፡ ወይወዕኡ ፡ ላዕለ ፡ ኩሉ ፡ ነገሥት ፡ እ
 ለ ፡ ውስተ ፡ ኩሉ ፡ ዓለም ፡ ከመ ፡ ያስተጋብእዎሙ ፡ ይትቃተሉ ፡ በዕለ
 ፳፻፩ ፡ ት ፡ ፀባይ ፡ እንተ ፡ እግዚአብሔር ፡ ዘኩሎ ፡ ይመልክ ። ወናሁ ፡ እመጽእ ፡
 ግብተ ፡ ከመ ፡ ሰራቂ ፡ ውብፀዕ ፡ ዘይተግህ ፡ ወዩፀቅብ ፡ አልባሲሁ ፡ ከመ ፡
 ፳፻፪ ፡ ኣይሐር ፡ ዕራቆ ፡ ወኣያስተርኣ ፡ ኅፍረቱ ። ወአስተጋብእዎሙ ፡ ውስተ ፡
 ፳፻፫ ፡ መካን ፡ ዘስሙ ፡ አርማጌዶን ፡ በዕብራይስጥ ። ወከፀወ ፡ ሳብዕ ፡ ጽዋዖ ፡ ው
 ስተ ፡ ነፋስ ፡ ወወዕኡ ፡ ቃል ፡ በቢይ ፡ እምነ ፡ መቅደሱ ፡ ወእምኅበ ፡ መን
 ፳፻፬ ፡ በሩ ፡ ዘይብል ፡ ኅልቀ ። ወእምዝ ፡ ኮነ ፡ መብረቅ ፡ ወቃለ ፡ ነገድጓድ ፡ ወ
 መጽአ ፡ በቢይ ፡ ድልቅልቅ ፡ ዘኣኮነ ፡ ከማሁ ፡ እምአመ ፡ ተፈጥረ ፡ እ
 ፳፻፭ ፡ ዓለ ፡ እመሕያው ፡ ውስተ ፡ ምድር ፡ ዘከማሁ ፡ ድልቅልቅ ፡ በቢይ ። ወኮነ
 ት ፡ ሀገር ፡ ፀባይ ፡ ሠለስተ ፡ መክራልተ ፡ ወአህጉረ ፡ አሕዛብኒ ፡ ወድቃ ፡
 ወለባቢሎንኒ ፡ ፀባይ ፡ ተዘከርዋ ፡ ቅድመ ፡ እግዚአብሔር ፡ ከመ ፡ ይመጥ
 ፳፻፮ ፡ ውዋ ፡ ጽዋዓ ፡ ሕምዘ ፡ ወደነ ፡ መግቱ ፡ ለእግዚአብሔር ። ወጠፍኣ ፡ ኩ
 ፳፻፯ ፡ ሎን ፡ ይሰያት ፡ ወአድባርኒ ፡ ኣተረክቡ ። ወወረደ ፡ እምሰማይ ፡ ላዕለ ፡
 ሰብእ ፡ ፀቢይ ፡ በረድ ፡ ዘመጠነ ፡ መካልያ ፡ ወፀረፉ ፡ ሰብእ ፡ ላዕለ ፡ ስመ ፡

እግዚአብሔር : በእንተ : ውእቱ : መቅሠፍተ : በረድ : እስመ : ዐቢይ : ውእቱ : መቅሠፍቱ : ጥቀ ።

ምዕራፍ : 132

ወመጽአ : አሐዱ : እምነ : እልክቱ : ሰባዕቱ : መላእክት : እለ : ይ 5
 ጸውሩ : ሰባዕተ : ጽዋዓተ : ወይቤለኒ : ነዓ : አርኢከ : ደይና : ለእንታክቲ : 6
 ዘማ : ሀባይ : እንተ : ትነብር : ውስተ : ማያት : ብዙኅ ። እንተ : ምስሌሃ : 7
 ዘመወ : ነገሥተ : ምድር : ወሰክሩ : እለ : ይነብሩ : ዲበ : ምድር : እምነ : 8
 ወይነ : ዝሙታ ። ወእምዝ : ወሰደኒ : መንፈስ : ገዳመ : ወርኢኩ : ብእሲ 9
 ተ : ትጼዕን : ላዕለ : አርዌ : ቀይሕ : ዘምሉእ : አስማተ : ፅርፈት : ዘሰባ 10
 ዕቱ : አርእስቲሁ : ወዐሠርቱ : አቅርንቲሁ ። ወትሉብስ : ይእቲ : ብእሲ 11
 ት : ልብስ : ወርቅ : ዘቦ : ሚላት : ወዘቦ : ለይ : ወዕንቅፉ : ክቡር : ወባሕር 12
 ያት : ወትጸውር : ውስተ : እዲሃ : ጽዋዐ : ወርቅ : ዘምሉእ : ርክሰ : ወግ 13
 ማኔ : ዝሙታ ። ወጽሑፍ : ውስተ : ፍጽማ : አስማተ : ምሥጢራ : ለባ 14
 ቢሎን : ዐባይ : እምነ : ለዘማት : ወዘርክሳ : ለምድር ። ወስክርት : ይእ 15
 ቲ : ብእሲት : እምደሞሙ : ለቅዱሳን : ወእምደሞሙ : ለጸድቃኒሁ : ለ 16
 ኢየሱስ ። ወእንከርክዋ : ወሶበ : ርኢክዋ : ዐባይ : ተደመምከ ። ወይቤ 17
 ለኒ : ዝክቱ : መልአክ : ምንተ : ታነክር ። አነ : እነግረክ : ምሥጢራ : ለ 18
 ዛቲ : ብእሲት : ወለዝክቱ : አርዌ : ዘይጸውራ : ዘሰባዕቱ : አርእስቲሁ : ወ 19
 ዐሠርቱ : አቅርንቲሁ ። ወዝክቱኒ : አርዌ : ዘርኢከ : ሀለወ : ወኢሀለወ : 20
 ወሀለዎ : ይዕርግ : እምነ : ቀላይ : ወየሐውር : ለሙስና ። ወይደመሙ : 21
 በእንቲአሁ : እለ : ይነብሩ : ዲበ : ምድር : እለ : ኢኮኑ : ጽሑፍ : አስማ 22
 ቲሆሙ : ውስተ : መጽሐፈ : ሕይወት : ዘእምፍጥረተ : ዓለም : ሶበ : ርእ 23
 ይዎ : ለውእቱ : አርዌ : ከመ : ሀለወ : ወኢሀለወ : እንዘ : ሀለወ ። ለዘቦ : 24
 ልብ : ወጥብብ : አእምርቱ : ለዝንቱ ። ወለዝንቱሰ : አርዌ : ሰባዕቱ : አር 25
 እስቲሁ : ሰባዕቱ : አድባር : እሙንቱ : እለ : ዲቤሆሙ : ትነብር : ዛቲ : 26
 ብእሲት : ወሰባዕቱ : ነገሥት : እሙንቱ ። ውኅምስቱሰ : ወድቁ : ወአሐ 27
 ዱ : ባሕቲቱ : ሀለወ ። ወአሐዱ : ኢመጽአ : ዓዲ : ወሶበ : መጽአ : ይነብ 28
 ር : ዓዳጠ ። ወዝክቱኒ : አርዌ : ዘሀለወ : ወኢሀለወ : ሳምኖሙ : ውእቱ : 29
 ወምስለ : እሉ : ሰባዕቱ : ውእቱ : የሐውር : ለሙስና ። ወእሉሰ : ዐሠርቱ : 30
 አቅርንቲሁ : ዘርኢከ : ዐሠርቱ : ነገሥት : እሙንቱ : እለ : ዓዲ : ኢጸን 31
 ዐት : መንግሥቶሙ : ወባሕቱ : ከመ : ነገሥት : ሥልጣን : ቦሙ : ለአሐ 32
 ቲ : ሰዓት : ወይትነሥኡ : ምስለ : ዝክ : አርዌ ። ወአሐዱ : ምክሮሙ : 33

- ፲፬ ፣ ወኅይሎሙ ፣ ወሥልጣኖሙ ፣ አግብኡ ፣ ለዝክቱ ፣ አርዌ ። ወይፃብኡ ፣ ምስለ ፣ በግዑ ፣ ወይመውኑሙ ፣ በግዑ ፣ እስመ ፣ እግዚአ ፣ አጋእዝት ፣ ውእቱ ፣ ወንጉሠ ፣ ነገሥት ፣ ውእቱ ። ወእለ ፣ ምስሌሁኒ ፣ ስሙያን ፣ ወኅሩ
- ፲፭ ፣ ያን ፣ ወመገምናን ፣ እሙንቱ ። ወዘንተ ፣ ማያተ ፣ ዘርኢከ ፣ ዘበኅቤሆሙ ፣ ትንብር ፣ ዛቲ ፣ ብእሲት ፣ ዘማ ፣ አሕዛብ ፣ ወሕዝብ ፣ ወበሐውርት ፣ ወሰብ
- ፲፮ ፣ እ ፣ እሙንቱ ። ወዝንቱ ፣ ዐሠርቱ ፣ አቅርንቲሁ ፣ ወዝንቱኒ ፣ አርዌ ፣ ዘር ኢከ ፣ ይጸንሕዋ ፣ እሙንቱ ፣ ለዛቲ ፣ ዘማ ፣ ወያማስንዋ ፣ ወያዐርቅዋ ፣ ወይ
- ፲፯ ፣ በልዕዋ ፣ ሥጋሃ ፣ ወኪያሃሰ ፣ ያውዕይዋ ፣ በእሳት ። እስመ ፣ እግዚአብሔር ፣ ወደየ ፣ ውስተ ፣ ልቦሙ ፣ ከመ ፣ ይኅበሩ ፣ በአሐዱ ፣ ምክር ፣ ወያግብኡ ፣ መንግሥቶሙ ፣ ለዝክቱ ፣ አርዌ ፣ እስከ ፣ አመ ፣ ይትፌጸም ፣ ቃለ ፣
- ፲፰ ፣ እግዚአብሔር ። ወዛቲ ፣ ብእሲት ፣ እንተ ፣ ርኢከ ፣ ሀገር ፣ ዐባይ ፣ ይእቲ ፣ እንተ ፣ ትነግሥ ፣ ላዕለ ፣ መንግሥታተ ፣ ምድር ።

ምዕራፍ ፲፰ ፤

- ፩ ፣ ወእምድኅረ ፣ ዝንቱ ፣ ወረደ ፣ ካልእ ፣ መልአክ ፣ እምሰማይ ፣ ወዐ ፣ ዐቢይ ፣ ሥልጣን ፣ ወበርሀት ፣ ምድር ፣ እምብርሃነ ፣ ገጹ ፣ ወእምስብሐቲ
- ፪ ፣ ሁ ። ወጸርኅ ፣ በዐቢይ ፣ ቃል ፣ ወይቤ ፣ ወድቀት ፣ ባቢሎን ፣ ሀገር ፣ ዐባይ ፣ ወኮነት ፣ ማኅደረ ፣ ለአጋንንት ፣ ኅበ ፣ ይነብር ፣ ኰሉ ፣ ጋኔን ፣ ርኩስ ፣ ወ
- ፫ ፣ መንበረ ፣ ኰሉ ፣ ዖፍ ፣ ርኩስ ፣ ወጽሉእ ። እስመ ፣ እምነ ፣ ሕምዘ ፣ ወይነ ፣ ዝሙታ ፣ ወድቁ ፣ ኰሎሙ ፣ አሕዛብ ፣ ወነገሥተ ፣ ምድርኒ ፣ እለ ፣ ዘመ
- ፬ ፣ ዉ ፣ ምስሌሃ ፣ ወሠየጠ ፣ ምድርኒ ፣ እለ ፣ በልዑ ፣ እምነ ፣ ኅይላ ፣ ወአንፈ
- ፭ ፣ ርዐጹ ። ወመጽአ ፣ ካልእ ፣ ቃል ፣ እምሰማይ ፣ ዘይብል ፣ ፃኡ ፣ ሕዝብየ ፣ እምኔሃ ፣ ከመ ፣ ኢትትካፈልዋ ፣ ኃጢአታ ፣ ወኢይርከብክሙ ፣ መቅሠፍ
- ፮ ፣ ታ ። እስመ ፣ ተለዋ ፣ ኃጣውኢሃ ፣ እስከ ፣ ሰማይ ፣ ወተዘከረ ፣ ላቲ ፣ እግዚ
- ፯ ፣ አብሔር ፣ ዐመፃሃ ፣ ወተበቀልዋ ፣ በከመ ፣ ይእቲ ፣ ተበቀለት ፣ ካዕበተ ፣ ምክዕቢት ፣ ዘከመ ፣ ገብረት ፣ ወበጽዋዕ ፣ ዘቀድሐት ፣ ቀድሐ ፣ ላቲ ፣ ካዕ
- ፰ ፣ በቶ ፣ ወእምጣነ ፣ ገፍዐት ፣ ወፈግዐት ፣ ከማሁ ፣ ሣቅይዋ ፣ ወአልሕውዋ ። እስመ ፣ ትቤ ፣ በልባ ፣ እነግሥ ፣ ለዝሉፋ ፣ ወኢይከውን ፣ መበለተ ፣ ወኢ
- ፱ ፣ ይሬኢ ፣ ላሐ ። ወበእንተ ፣ ዝንቱ ፣ በአሐቲ ፣ ሰዓት ፣ ይመጽእ ፣ ላዕሌሃ ፣ መቅሠፍታ ፣ ሞት ፣ ወላሕኒ ፣ ወረኃብኒ ፣ ወያውዕይዋ ፣ በእሳት ፣ እስመ ፣
- ፺ ፣ ጽኑዕ ፣ ውእቱ ፣ እግዚአብሔር ፣ ዘይትቤቀላ ፣ ወይበክዩ ፣ ላዕሌሃ ፣ ነገሥ
- ፻ ፣ ተ ፣ ምድር ፣ ወይሬእይዋ ፣ እለ ፣ ዘመዉ ፣ ወፈግዑ ፣ ምስሌሃ ። ወሶበ ፣ ር

እዩ : ጢሰ : እሳታ : እምርሑቅ : ቆሙ : በእንተ : ፍርሃተ : ሥቃይ ። ወይ
 ቤሉ : አሌላ : አሌላ : ለሀገር : ባቢሎን : ዐባይ : ለሀገር : ጽንዕት : እስመ :
 በጽሑት : ሰዓተ : ደይና ። ወይበክይዋ : ሠዩጠ : ምድርኒ : ወይላሕውዋ : ፲፮ ፤
 እስመ : አልቦሙ : ዘይሣዩጥ : ሎሙ : ገራውሂሆሙ ። ወርቀ : ወብሩረ : ፲፫ ፤
 ወዕንቄ : ክቡረ : ወባሕርዩ : ወሚላተ : ወአገመረ : ወለዩ : ወሰንሰሪቋተ :
 ወኩሎ : ዕፀ : ሕቀኑ ። ወኩሎ : ንዋዩ : ዘቀርን : ነጌ : ወኩሎ : ሰርጎ : ዘቦ :
 ዕንቀኑ : ክቡር : ወብርተ : ወኅጺኑ : ወባላቀ ። ወቀናንሞ : ወአባሞ : ወዕ ፲፪ ፤
 ጣነ : ወሚርን : ወሰኒን : ወወይነ : ወቅብእ : ወስንዳሌ : ወሥርናዩ : ወእ
 ንስሳ : ወአባግዑ : ወአፍራሰ : ወሪዶነ : ወዒዋ : ወነፍሰ : ሰብእ ። ወአቅማ ፲፬ ፤
 ሓትኪ : ተኅድገ : እምኔኪ : ወኩሉ : ሥብሕኪ : ወብርሃንኪ : ተደመነ :
 ወኢይረክብዎ : እንክ : ሠዩጥኪ : ለዝንቱ : በውስቲትኪ ። ወይቀውሙ : ፲፭ ፤
 እምርሑቅ : በእንተ : ፍርሃተ : ሥቃይኪ : ወይበክዩኪ : ወይላሕዉኪ ።
 ወይብሉ : አሌላ : አሌላ : ለሀገር : ዐባይ : እንተ : ትሉብስ : ሚላተ : ወአ ፲፮ ፤
 ዝመረ : ወለዩ : እንተ : ተገብረት : በወርቅ : ወበዕንቀኑ : ክቡር : ወበባሕ
 ርይ : እስመ : በአሐቲ : ሰዓት : ትማስን : ብዕላ ። ወኩሉ : ዘሐዳፍ : ወኩ ፲፯ ፤
 ሉ : ኪነተ : አሕማር : ወኖትያት : ወኩሎሙ : እለ : ይትቀነዩ : በውስተ :
 ባሕር : እምርሑቅ : ቆሙ ። ወጸርኑ : ሶበ : ርእዩ : ውዕዩተ : ሀገራ : ወይ ፲፰ ፤
 ቤሉ : መኑ : ይመስላ : ለዛቲ : ሀገር : ዐባይ ። ወወደዩ : መሬተ : ውስተ : ፲፱ ፤
 አርእስቲሆሙ ። ወይጸርኑ : ወይበክይዋ : ወይላሕውዋ : ወይብሉ : አሌ
 ላ : አሌላ : ለሀገር : ዐባይ : እንተ : እምኔሃ : ብዕሉ : ኩሎሙ : እለ : ቦሙ :
 አሕማር : ውስተ : ባሕር : እምነ : ክብራ ። እስመ : በአሐቲ : ሰዓት : ማ
 ሰነት ። ለይትፈሣሕ : ላዕሌሃ : ሰማይ : ወቅዱሳን : ነቢያት : ወሐዋርያት : ፳ ፤
 እስመ : ተበቀለ : እግዚአብሔር : በቀለክሙ ። ወነሥአ : አሐዳ : መልአ ፳፩ ፤
 ክ : ኅያል : ወጽኑዕ : እብነ : ዐቢዩ : ክመ : ምኅረጽ : ወወገረ : ውስተ :
 ባሕር ። ወይቤ : ከመዝ : ትትገደፍ : ባቢሎን : ሀገር : ዐባይ : ወኢትትረ
 ከስ : እንክ ። ወኢይሰማዕ : በውስቲታ : ቃለ : መሰናቂት : ወዕንዚ ፳፪ ፤
 ራ : ወማኅሌት : ወቃለ : ቀርን : ኢይሰማዕ : በውስቲታ : ወኩሉ : ኬንያ :
 ወኩሉ : ኪን : ኢይትረክብ : በውስቲታ ። ወኢብርሃነ : ማኅቶት : ወኢ
 ቃለ : መርዓዊ : ወኢቃለ : መርዓት : ኢይሰማዕ : በውስቲታ ። እስመ : ሠ ፳፫ ፤
 ዩጥኪ : መሣፍንተ : ምድር : እለ : አስሐትኪሆሙ : በሥራያትኪ : ለኩ
 ሉ : አሕዛበ : ምድር ። ወተረክበ : በላዕሌኪ : ደመ : ነቢያት : ወዘቅዱሳ ፳፬ ፤
 ን : ወዘኩሎሙ : እለ : ተቆትሉ : በውስተ : ምድር : በእንተ : ስሙ : ለክ
 ርስቶስ ።

ምዕራፍ፡ ፲፱።

፩፡ ወእምድኅረ፡ ዝንቱ፡ ተሰምዐ፡ ቃል፡ ዐቢይ፡ እምሰማይ፡ ከመ፡
 ዘብዙኅ፡ ሰብእ፡ ወይብሉ፡ ሃሌ፡ ሉያ፡ እስመ፡ ስብሐት፡ ወፍርቃን፡ ወ
 ፪፡ ኅይል፡ ለአምላክን። እስመ፡ ጽድቅ፡ ወርትዕ፡ ነኑኔሁ። እስመ፡ ኩነና፡
 ለዐባይ፡ ዘማ፡ እንተ፡ አማሰነት፡ ምድረ፡ በዝሙታ፡ ወተበቀለ፡ ደመ፡
 ፫፡ ነሎሙ፡ አግብርቲሁ፡ እምእዲሃ። ወይብሉ፡ ዳግመ፡ ሃሌ፡ ሉያ። ወዐ
 ፬፡ ርገ፡ ጢስ፡ ዘለዓለመ፡ ዓለም። ወሰገዱ፡ እልክቱ፡ ዕሥራ፡ ወአርባዕቱ፡
 ሊቃናት፡ ወእልክቱኒ፡ አርባዕቱ፡ እንስሳሁ፡ ለእግዚአብሔር፡ ዘይነብ
 ፭፡ ር፡ ዲበ፡ መንበሩ፡ ቅዱስ፡ ወይብሉ፡ አሜን፡ ሃሌ፡ ሉያ። ወወዕኦ፡ ቃ
 ፮፡ ል፡ እምሰማይ፡ እምውስተ፡ መንበሩ፡ ዘይብል፡ ሰብሔ፡ ለአምላክን፡ ነ
 ፯፡ ልክሙ፡ አግብርቲሁ፡ ወእለ፡ ትፈርህዎ፡ ንኡስክሙ፡ ወዐቢይክሙ።
 ፸፡ ወእምዝ፡ ሰማዕኩ፡ ቃለ፡ ከመ፡ ዘብዙኅ፡ ሰብእ፡ ወከመ፡ ቃለ፡ ማይ፡
 ፹፡ ብዙኅ፡ ወከመ፡ ቃለ፡ ነጐድጓድ፡ ዐቢይ፡ እንዘ፡ ይብሉ፡ ሃሌ፡ ሉያ፡ እ
 ፻፡ ስመ፡ ነግሠ፡ እግዚአብሔር፡ ዘነሎ፡ ይመልክ። ለንትፈሣሕ፡ ወንትሐ
 ፻፲፡ ሠይ፡ ወነሀብ፡ ሎቱ፡ ስብሐተ፡ እስመ፡ በጽሐ፡ መርዓ፡ በግዑ። ወብእ
 ፻፫፡ ሲትኒ፡ ድሉት፡ ይእቲ። ወተውህባ፡ ላቲ፡ ከመ፡ ትልበስ፡ ሚላተ፡ ብር
 ፻፬፡ ሃን፡ ንጹሐ፡ እስመ፡ ውእቱ፡ ሚላት፡ ጽድቆሙ፡ ለቅዱሳን። ወይቤለኒ፡
 ፻፭፡ ጸሐፍ፡ ብፁዓን፡ እለ፡ ተጸውዑ፡ ውስተ፡ በዓለ፡ መርዓ፡ በግዑ፡ እስ
 ፻፮፡ መ፡ ዝንቱ፡ ቃለ፡ ጽድቅ፡ ዘእግዚአብሔር፡ ውእቱ። ወወደቁ፡ ኅበ፡ እ
 ፻፯፡ ገሪሁ፡ ወሰገድኩ፡ ሎቱ፡ ወይቤለኒ፡ ዑቅ፡ ዮጊ፡ ኢትስግድ፡ እስመ፡
 ፻፰፡ አነሂ፡ ገብር፡ ዘከማከ፡ ምስሌክ፡ ወምስለ፡ አኅዊክ፡ እለ፡ የዐቅቡ፡ ሕጎ፡
 ፻፱፡ ለኢየሱስ። ወባሕቱ፡ ለእግዚአብሔር፡ ንስግድ፡ ነሎን፡ እስመ፡ ሰማዕ
 ፳፡ ቱ፡ ለኢየሱስ፡ መንፈስ፡ ተነብዮ። ወእምዝ፡ ተርኅወ፡ ሰማይ፡ ወወዕ
 ፳፩፡ ኦ፡ ፈረስ፡ ጸዓዳ፡ ወዘይጸዐኖ፡ ስሙ፡ መሃይምን፡ ወጸድቅ፡ ወዘበጽድ
 ፳፪፡ ቅ፡ ይኳንን፡ ወይዐብእ። ወአዕይንቲሁ፡ ከመ፡ ነደ፡ እሳት፡ ወዲበ፡ ርእ
 ፳፫፡ ሱ፡ እክሊል፡ ወጽሑፍ፡ ውስተ፡ ቀጸላሁ፡ አስማት፡ ዘአልቦ፡ ዘያአም
 ፳፬፡ ሮ፡ ዘእንበለ፡ ውእቱ፡ ባሕቲቱ። ወይሉብስ፡ ልብስ፡ ዘንዙኅ፡ በደም፡
 ፳፭፡ ወሰመዩ፡ ስሞ፡ ቃለ፡ እግዚአብሔር። ወሐራ፡ ሰማይ፡ ይተልውዎ፡ በአ
 ፳፮፡ ፍራስ፡ ጸዓድው፡ ወይሉብስ፡ ሚላተ፡ ብርሃን፡ ንጹሐ። ወይወዕኦ፡ እም
 ፳፯፡ ነ፡ አፋሁ፡ ሰይፍ፡ በሊሕ፡ ዘቡቱ፡ ይቀሥፎሙ፡ ለአሕዛብ፡ ወውእቱ፡
 ይሬዕዮሙ፡ በበትረ፡ ኅጺን፡ ወውእቱ፡ ይከይዳ፡ ለምክያደ፡ ወይነ፡ ሕ

ምዘ : መዓቱ : ለእግዚአብሔር : ዘኩሎ : ይመልክ :: ወጽሑፍ : ላዕለ : ል 151
 ብሱ : ወውስተ : ገቦሁ : ስም : ዘይብል : ንጉሠ : ነገሥት : ወእግዚአ : አ
 ጋእዝት :: ወእምዝ : ቆመ : አሐዱ : መልአክ : ውስተ : ቦሐይ : ወይጸር 152
 ኅ : በቃል : በቢይ : ወይቤ : ለኩሎ : አዕዋፍ : ዘይሠርር : ውስተ : ማእከ
 ለ : ስማይ : ንዑ : ተጋብኡ : ውስተ : በዓሉ : ለእግዚአብሔር : በቢይ ::
 ከመ : ትብልዑ : ሥጋ : ነገሥት : ወሥጋ : መላእክት : ወሥጋ : ጽኑዓን : 153
 ወሥጋ : አፍራስ : ወዘእለ : ይጼዐንዎሙ : ወሥጋ : ኩሎ : አግዓዚ : ወገ
 ብር : ወዘንኡስ : ወዘዐቢይ :: ወእምዝ : መጽአ : ዝክቱ : አርዌ : ወነገሥ 154
 ተ : ምድር : ወሰራዊቶሙ : ተጋብኡ : ምስሌሁ : ከመ : ይዕብእዎ : ለው
 እቱ : ዘይጼዐን : ላዕለ : ፈረስ : ጸዓዳ : ወለሰራዊቱ :: ወእምዝ : አኅዝዎ : ፩
 ለዝኩ : አርዌ : ወለሐሳዊ : ነቢዮ : ዘገብረ : ተአምራተ : በቅድሜሁ : በ
 ዘአስሐቶሙ : ለእለ : ተጽሕፉ : ማኅተመ : ስሙ : ለውእቱ : አርዌ : ወ
 ሰገዱ : ሎቱ : ሠለምስሉ :: ወወደይዎሙ : ሕያዋኒሆሙ : ውስተ : ዐዘቅ
 ተ : እሳት : ዘይነድድ : በተይ :: ወለእለሰ : ተርፉ : ቀተልዎሙ : በሰይፈ : ፳፻፲
 ዝክቱ : ዘይጼዐን : ላዕለ : ፈረስ : ጸዓዳ : እንተ : ትወፅእ : እምአፉሁ : ሰ
 ይፍ : በሊሕ : ውእቱ :: ወጸግቡ : ኩሎ : አዕዋፈ : ሰማይ : እምነ : ሥጋሆሙ ::

ምዕራፍ : ፳፻፲

ወእምዝ : ወረደ : ካልእ : መልአክ : እምሰማይ : ወይጸውር : መራ 155
 ኅተ : ቦሐይ : ወዐበይት : መዋቅሕት : ውስተ : እዴሁ :: ወአኅዘ : ለዝክ
 ቱ : አርዌ : ዘውእቱ : ቀዳማዊ : ወውእቱ : ጋኔን : ሰይጣን :: ወአሠሮ : 156
 157 : ዓመተ :: ወአውደቆ : ውስተ : ማዕምቅ : ወዐጸወ : ላዕሌሁ : በማኅተ
 ም : ከመ : ኢያስሕት : አሕዛበ : እስክ : ይትፌጸም : ዝንቱ : 158 : ዓመት ::
 ወእምድኅረ : ዝንቱ : ሀለዎ : ይትፈታሕ : ኅዳጠ : መዋዕለ :: ወእምዝ : 159
 ርኢኩ : መኖብርተ : ወነበረ : ላዕሌሆሙ : ወልደ : እኅለ : እመሕያው ::
 ወአግብአ : ሎሙ : ፍትሐ : በእንተ : ነፍሶሙ : ለእለ : ተቀትሎ : በእንተ :
 ስሙ : ለኢየሱስ : ወበእንተ : ቃለ : እግዚአብሔር : ወእለሰ : ኢሰገዱ :
 ለዝክቱ : አርዌ : ወኢለምስሉ : ወኢጸሐፉ : ትእምርቶ : ውስተ : ፍጽ
 ሞሙ : ወኢውስተ : እደዊሆሙ : እሙንቱ : የሐይዉ : ወይነግሡ : ምስ
 ለ : ክርስቶስ : 160 : ዓመተ :: ወበዕዳንሰ : ምውታን : ኢይትነሥኡ : እስ 161
 ከ : አመ : ይትፈ ጸም : ዝንቱ : 162 : ዓመት :: ወዛቲ : ይእቲ : ቀዳሚት : 163
 ሕይወት :: በፀ-ፅ : ወቅዱስ : ውእቱ : ዘረከበ : ክፍለ : በትንሣኤ : እንተ :

ትቀድም ፡ መጸአ ፡ እስመ ፡ አልቦ ፡ እንከ ፡ ዳግመ ፡ ሥልጣን ፡ ሞት ፡ ላዕ
 ለ ፡ እሉ ፡ እስመ ፡ ይከውኑ ፡ ካህናቲሁ ፡ ለእግዚአብሔር ፡ ወለክርስቶስ ፡
 ፮ ፡ ወይንግሡ ፡ ምስሌሁ ፡ ፲፫ ፡ ዓመተ ። ወሶበ ፡ ጎልቀ ፡ ፲፫ ፡ ዓመት ፡ ይትፈ
 ፯ ፡ ታሕ ፡ ሰይጣን ፡ እምነ ፡ ሞቅሑ ። ወይወሶእ ፡ ያስሕቶሙ ፡ ለአሕዛብ ፡ እ
 ለ ፡ ውስተ ፡ አርባዕቱ ፡ መግዝኒሃ ፡ ለምድር ፡ ወያስተጋብአሙ ፡ ለጎግ ፡ ወለ
 ፱ ፡ ማጎግ ፡ ከመ ፡ ያስተቃትሎሙ ፡ ውኑልቆሙሰ ፡ ከመ ፡ ኖጻ ፡ ባሕር ። ወዐ
 ርጉ ፡ ውስተ ፡ ስፍሐ ፡ ለምድር ። ወዐገትዋ ፡ ለትዕይንቶሙ ፡ ለቅዳሳን ፡
 ወለሀገር ፡ ቅድስት ። ወእምዝ ፡ ወረደት ፡ እሳት ፡ እምሰማይ ፡ እምኅበ ፡
 ፲ ፡ እግዚአብሔር ፡ ወበልዑቶሙ ። ወለዝክቱኒ ፡ ሰይጣን ፡ ዘያስሕቶሙ ፡ ወ
 ደይዎ ፡ ውስተ ፡ ዐዘቅተ ፡ እሳት ፡ ወተይ ፡ ኅበ ፡ ሀሎ ፡ ዝክቱ ፡ አርጭ ፡ ወ
 ሐሳጭ ፡ ነቢይ ፡ ከመ ፡ ይደዩኑ ፡ መዐልተ ፡ ወሌሊተ ፡ እስከ ፡ ለዓለመ ፡ ዓ
 ፲፮ ፡ ለም ። ወእምዝ ፡ ርኢኩ ፡ መንበረ ፡ ዐቢዩ ፡ ወጸዓዳ ፡ ወእምዘ ፡ ይነብር ፡
 ዲቤሁ ፡ ጎዩ ፡ እምቅድመ ፡ ገጹ ፡ ሰማይ ፡ ወምድር ፡ ወኅጥኡ ፡ መዘነ ።
 ፲፱ ፡ ወእምዝ ፡ መጽኡ ፡ ነሎሙ ፡ ምውታን ፡ ዐቢያን ፡ ወንኡሳን ፡ ወቆሙ ፡
 ቅድመ ፡ መንበሩ ። ወከሠቱ ፡ ነሎ ፡ መጻሕፍተ ። ወለመጽሐፈ ፡ ሕይ
 ወትሰ ፡ እንተ ፡ ባሕቲታ ፡ ከሠትዋ ፡ ወተኩነኑ ፡ እልክቱ ፡ ምውታን ፡ በከ
 መ ፡ ጽሑፍ ፡ ውስተ ፡ ዝንቱ ፡ መጽሐፍ ፡ በከመ ፡ ገብሩ ። ወአግብአት ፡
 ፲፫ ፡ ባሕርኒ ፡ ነሎ ፡ ምውታን ፡ እለ ፡ ውስቴታ ፡ ወአግብኡ ፡ ሲኦል ፡ ወሞት ፡
 ዘኅቤሆሙ ፡ ምውታን ። ወአግብአት ፡ ምድርኒ ፡ እለ ፡ ሀለዉ ፡ ውስቴታ ፡
 ፲፬ ፡ ምውታን ። ወተኩነኑ ፡ ነሎሙ ፡ በከመ ፡ ምግባሮሙ ። ወወደይዎሙ ፡
 ለሲኦል ፡ ወለሞት ፡ ውስተ ፡ ዐዘቅተ ፡ እሳት ፡ ዘምልአተ ፡ ተይ ። ወሞት
 ፲፭ ፡ ሰ ፡ ዳግም ፡ ገሃነም ፡ ዘእሳት ፡ ውእቱ ። ወነሎ ፡ ዘኢይትረከብ ፡ ጽሑፍ ፡
 ውስተ ፡ መጽሐፈ ፡ ሕይወት ፡ ይወድይዎ ፡ ውስተ ፡ ገሃነም ፡ ዘእሳት ።

ምዕራፍ ፡ ፳፩ ።

፮ ፡ ወእምዝ ፡ ርኢኩ ፡ ሰማየ ፡ ሐዲሰ ፡ ወምድረ ፡ ሐዳሰ ። እስመ ፡ ሰሰ
 ለ ፡ ሰማይ ፡ ቀዳማዊ ፡ ወምድርኒ ፡ ቀዳሚት ፡ ወባሕርኒ ፡ ተስዕረት ፡ እን
 ፮ ፡ ከ ። ወሀገርኒ ፡ ቅድስት ፡ ሐዳስ ፡ ኢየሩሳሌም ፡ ርኢክዋ ፡ ወረደት ፡ እም
 ሰማይ ፡ እምኅበ ፡ እግዚአብሔር ፡ ወድሉት ፡ ይእቲ ፡ ከመ ፡ መርዓት ፡ ስ
 ፫ ፡ ርጉት ፡ ለምታ ። ወሰማዕኩ ፡ ቃለ ፡ ዐቢዩ ፡ እምሰማይ ፡ ዘይብል ። ናሁ ፡
 ቅድሳቱ ፡ ለእግዚአብሔር ፡ ምስለ ፡ እንለ ፡ እመሕያው ፡ ኅደረት ፡ ምስሌ
 ሆሙ ። እሙንቱኒ ፡ ይከውንዎ ፡ ሕዝቦ ፡ ወውእቱኒ ፡ ይከውኖሙ ፡ አም

ላክሙ፡ ወይረሉ፡ እግዚአብሔር፡ ምስሌሆሙ ። ወያሌስል፡ አንብዓ፡ እ ፱፡
 ምአዕይንቲሆሙ፡ ወአልቦ፡ እንክ፡ ሞት፡ ወኢላሕ፡ ወኢግር፡ ወኢሕ ፲፱፡
 ማም፡ አልቦ፡ እንክ ። ክስመ፡ ጎለፈ፡ ዘቀዳማ፡ ሥርዓት፡ ወናሁ፡ ተሐ ፳፱፡
 ደሱ፡ ነሎሙ ። ወይቤ፡ ዘይነብር፡ ዲቦ፡ መንበሩ፡ ናሁ፡ እጌብር፡ ነሎ፡ ፳፻፲፱፡
 ሐዲሰ ። ወይቤለኒ፡ ጸሐፍ፡ እስመ፡ ዝንቱ፡ ቃል፡ እሙን፡ ዘበጽድቅ፡ ፳፻፲፱፡
 ውእቱ፡ ዘይከውን ። አነ፡ ውእቱ፡ አልፋ፡ ወአ፡ ወአነ፡ ቀዳማዊ፡ ወአ ፳፻፲፱፡
 ነ፡ ደኃራዊ፡ ወአንሰ፡ ለዘጸምአ፡ እሁቦ፡ ይስተይ፡ እምነቅዐ፡ ማየ፡ ሕይ ፳፻፲፱፡
 ወት፡ በከንቱ ። ወዘሰ፡ ሞአ፡ ይወርሶ፡ ለዝንቱ፡ ወእከውኖ፡ ሎቱ፡ አም ፳፻፲፱፡
 ላክ ። ወውእቱኒ፡ ይከውነኒ፡ ወልደ ። ወእለሰ፡ ይፈርሀም፡ እንዘ፡ የአም ፳፻፲፱፡
 ኑ፡ ወያጌምኑ፡ ርእሰሙ፡ ወይቀትሉ፡ ወይዜምወ፡ ወይገብሩ፡ ሥራየ፡ ፳፻፲፱፡
 ወያመልኩ፡ አማልካተ፡ ወነሎ፡ ሐሰተ፡ ይከውን፡ ምንዳቤሆሙ፡ ገሃነ ፳፻፲፱፡
 ም፡ ዘእሳት፡ ወተይ፡ ወዝንቱ፡ ውእቱ፡ ዳግም፡ ሞት ። ወመጽአ፡ አሐ ፳፻፲፱፡
 ዱ፡ እምነ፡ እልክቱ፡ መላእክት፡ እለ፡ ይጸውሩ፡ ሰባዕተ፡ ጽዋዓተ፡ እለ፡ ፳፻፲፱፡
 ምሉአን፡ ሰባዕተ፡ መቅሠፍተ፡ ደኃርያተ፡ ወተናገረ፡ ምስሌየ፡ ወይቤለ ፳፻፲፱፡
 ኒ፡ ነዓ፡ አርኢከሃ፡ ለመርዓት፡ ለብእሲተ፡ በግዑ ። ወወሰደኒ፡ መንፈስ፡ ፳፻፲፱፡
 ውስተ፡ ይብር፡ ዐቢይ፡ ወነዋኅ፡ ወአርአየኒሃ፡ ለሀገር፡ ቅድስት፡ ኢየሩሳ ፳፻፲፱፡
 ሌም፡ እንተ፡ ትወርድ፡ እምሰማይ፡ እምኅብ፡ እግዚአብሔር ። ወስብሐ ፳፻፲፱፡
 ተ፡ እግዚአብሔር፡ ላዕሌሃ ። ወከዋክብቲሃኒ፡ ይመስሉ፡ ከመ፡ ዕንቀ፡ ፳፻፲፱፡
 ክቡር፡ ወጽዕዱት፡ ይእቲ፡ ከመ፡ አስሐትያ ። ወዐባይ፡ አረፍታ፡ ወነዋ ፳፻፲፱፡
 ኅ፡ ጥቅማ፡ ወባቲ፡ ዐሠርቱ፡ ወክልኤቱ፡ አናቅጽ፡ ወውስተ፡ አናቅጺሃ፡ ፳፻፲፱፡
 ፀሠርቱ ። ወክልኤቱ፡ መላእክት፡ ወጽሑፋን፡ አስማት፡ ዘዐሠርቱ፡ ወክ ፳፻፲፱፡
 ልኤቱ፡ ሕዝብ፡ እስራኤል ። ወውስተ፡ አናቅጽ፡ ጽባሓውያን፡ ሠለስቱ፡ ፳፻፲፱፡
 ወውስተ፡ አናቅጽ፡ ዐረባውያን፡ ሠለስቱ፡ ወውስተ፡ አናቅጽ፡ ሰሜናው ፳፻፲፱፡
 ያን፡ ሠለስቱ፡ ወውስተ፡ አናቅጽ፡ ደቡባውያን፡ ሠለስቱ ። ወዐሠርቱ፡ ፳፻፲፱፡
 ወክልኤቱ፡ መሠረታቲሃ፡ ለአረፍተ፡ ሀገራ፡ ወጽሑፍ፡ ውስቲቶን፡ አ ፳፻፲፱፡
 ስማተ፡ ዐሠርቱ፡ ወክልኤቱ፡ ሐዋርያተ፡ በግዑ ። ወዝክቱ፡ ዘይትናገር፡ ፳፻፲፱፡
 ምስሌየ፡ ይጸውር፡ ሕለተ፡ ወርቅ፡ በዘቦቱ፡ ይሚጥፍ፡ ለይእቲ፡ ሀገር፡ ፳፻፲፱፡
 ወለአናቅጺሃ፡ ወለአረፋቲሃ ። ወርብዕት፡ ይእቲ፡ ሀገር፡ በእምጣነ፡ ኑኃ፡ ፳፻፲፱፡
 ወግድማ ። ወመጠና፡ ለይእቲ፡ ሀገር፡ በውእቱ፡ ሕለት፡ ወኮነ፡ አምጣ ፳፻፲፱፡
 ኒሃ፡ ዐሠርቱ፡ ወክልኤቱ፡ ምእት፡ ኑኃ፡ ወግድማ፡ ወቆማኒ፡ ዕሩይ ። ወ ፳፻፲፱፡
 እምዝ፡ መጠነ፡ አረፋቲሃ፡ ምእት፡ ወአርብዓ፡ ወአርባዕቱ፡ በእመተ፡ ሰ ፳፻፲፱፡
 ብእ፡ ዘውእቱ፡ አሐዱ፡ በእመተ፡ መልአክ ። ወውስተ፡ ርእሰ፡ አረፍታ፡ ፳፻፲፱፡
 ለይእቲ፡ ሀገር፡ ብዕንቁ፡ ኢያስጸሊስ፡ ወትመስል፡ ሀገራ፡ ከመ፡ ዘበወርቅ፡

፲፱ ፡ ንጹሕ ፡ ግብረታ ። ወመሠረተ ፡ አረፍተ ፡ ሀገራ ፡ ከመ ፡ ማህው ፡ ጸዓዳ ፡
 ስርጉት ፡ በኩሉ ፡ ዕንቅ፡ ክቡር ። ወቀዳሚት ፡ መሠረታ ፡ በኢያስጲስ ፡
 ወካልእት ፡ በሰንፔር ። ወሣልስት ፡ በኬልቁዶን ፡ ወራብዕት ፡ በዘመረግ
 ፳ ፡ ድ ። ወኃምስት ፡ በሰርዶንክስ ፡ ወሳድስት ፡ በሰርድዮን ፡ ወሳብዕት ፡ በክ
 ርስቲሎቤ ። ወሳምንት ፡ በቢረሌ ፡ ወታስዕት ፡ በወራውሬ ፡ ወዓሥርት ፡
 በክርስቲራስ ። ወእንተ ፡ ዐሥሩ ፡ ወኣሐቲ ፡ በያክንት ፡ ወእንተ ፡ ዐሥ
 ፳፮ ፡ ሩ ፡ ወክልኤ ፡ በአሜቴስጢኖስ ። ወዴዴያቲሃኒ ፡ ዐሥሩ ፡ ወክልኤ ፡ በዐ
 ሥሩ ፡ ወክልኤ ፡ በሕርይ ፡ ወለለኣሐቲ ፡ ዴዴ ፡ ኣሐቲ ፡ በሕርይ ። ወጽጎ፡
 ሀገራ ፡ ከመ ፡ ወርቅ ፡ ንጹሕ ፡ ወያጸድል ፡ እንተ ፡ ውሥጣ ፡ ከመ ፡ ማህው ።
 ፳፭ ፡ ወኢርኢኩ ፡ ጽርሐ ፡ እስመ ፡ እግዚአብሔር ፡ ዘተሎ ፡ ይመልክ ፡ ውእቱ ፡
 ፳፫ ፡ ጽርሐ ፡ ወበግዑ ። ወሀገራስ ፡ ኢትፈቅድ ፡ ፀሐየ ፡ ወኢወርኅ ፡ ከመ ፡ ያብ
 ርሁ ፡ ላቲ ፡ እስመ ፡ ብርሃነ ፡ እግዚአብሔር ፡ ያበርህ ፡ ላቲ ፡ ወማኅቶታ ፡
 ፳፬ ፡ ውእቱ ፡ በግዑ ። ወየሐውሩ ፡ ኣሕዛብ ፡ በብርሃነ ፡ ዚኣሃ ። ወነገሥተ ፡ ም
 ፳፭ ፡ ድርኒ ፡ ያመጽኡ ፡ ክብሮሙ ፡ ውስቲታ ። ወኢይትዐጸዉ ፡ ኣናቅጺሃ ፡ መ
 ፳፮ ፡ ዐልተ ፡ ወሌሊተ ። እስመ ፡ ኣልባቲ ፡ ሌሊተ ። ወያመጽኡ ፡ ክብሮሙ ፡
 ፳፯ ፡ ወስብሐቲሆሙ ፡ ኣሕዛብ ፡ ውስቲታ ። ወኢይበውእ ፡ ውስቲታ ፡ ኩሉ ፡
 ዘርኩስ ፡ ወዘይገብር ፡ ግማኔ ፡ ወሐሰተ ፡ ወኢይጸሐፍ ፡ ውስተ ፡ መጽሐ
 ፈ ፡ ሕይወት ፡ ዘበግዑ ።

ምዕራፍ ፡ ፳፪ ፤

፩ ፡ ወኣርአየኒ ፡ ፈለገ ፡ ዘማየ ፡ ሕይወት ፡ ጸዓዳ ፡ ከመ ፡ በረድ ፡ ወይወፅ
 ፪ ፡ እ ፡ እምነ ፡ መንበሩ ፡ ለእግዚአብሔር ፡ ወሥልጣነ ፡ በግዑ ። ወይውሕዝ ፡
 ውስተ ፡ ማእከለ ፡ መርሕባ ፡ ወእምለሬኒ ፡ ውእቱ ፡ ፈለግ ፡ ወእምከሐከኒ ፡
 ዕፀ ፡ ሕይወት ፡ ወይገብር ፡ ፍሬ ፡ ዐሠርተ ፡ ወክልኤተ ፡ ለለኣሐዱ ፡ ወርኅ ፡
 ፫ ፡ ወቁጽለ ፡ ዕፁ ፡ ለሕይወተ ፡ ኣሕዛብ ። ወኣልቦ ፡ እንክ ፡ ርኩስ ፡ ወኢምን
 ትኒ ። ወሀለወ ፡ ውስቲታ ፡ መንበረ ፡ እግዚአብሔር ፡ ወበግዑ ፡ ወኢይከ
 ውን ፡ መዓተ ፡ ላዕለ ፡ ኣግብርቲሁ ፡ ለእግዚአብሔር ፡ እለ ፡ ያመልክም ።
 ፬ ፤ ወይሬእዩ ፡ ገጸ ፡ ወስሙ ፡ ውስተ ፡ ፍጽሞሙ ። ወኣልቦ ፡ እንክ ፡ ሌሊት ፡
 ወኢይፈቅዱ ፡ ብርሃነ ፡ ማኅቶት ፡ ወኢብርሃነ ፡ ፀሐይ ፡ እስመ ፡ እግዚአብ
 ፭ ፡ ሔር ፡ ያበርህ ፡ ላዕሌሆሙ ፡ ወይነግሁ ፡ ለዓለመ ፡ ዓለም ። ወይሌለኒ ፡ ዝ
 ክቱ ፡ ቃለ ፡ ጽድቅ ፡ ወመሃይምን ። እግዚእነ ፡ እግዚአብሔር ፡ ኣምላክ ፡
 መንፈስ ፡ ነቢያት ፡ ፈነወ ፡ መልአኮ ፡ ከመ ፡ ያርእዮሙ ፡ ለኣግብርቲሁ ፡
 ፮ ፡ ዘሀለወ ፡ ይኩን ፡ ፍጡን ። ወናሁ ፡ እመጽእ ፡ ፍጡን ፡ ወብፁዕ ፡ ዘየዐቅብ

ቃለ : ተነብዮቱ : ለዝንቱ : መጽሐፍ :: ወአነ : ዮሐንስ : ዘርኢኩ : ወዘሰ
 ማዕኩ :: ወይእተ : ጊዜ : ሶበ : ርኢኩ : ወሰማዕኩ : ዘንተ : ሰገድኩ : ቅ ፳፻
 ድመ : እገሪሁ : ለውእቱ : መልአክ : ዘአርአዮንዮ : ለዝንቱ :: ወይቤለኒ : ፱፻
 ኢትስግድ : ሊተ : ዑቅ : ዮጊ : ገብረ : አጋእዝቲክ : አነ : ወዘአኅዌክ : ነ
 ቢያት : ወዘአለ : የዐቅቡ : ቃለ : ዝንቱ : መጽሐፍ :: ወአንተሰ : ለእግዚ ፯፻
 ኡብሔር : ስግድ :: ወኢትነትም : ቃለ : ተነብዮቱ : ለዝንቱ : መጽሐፍ :
 እስመ : በጽሐ : ዘመኑ :: ወለዘገፍዐኒ : ይገፍዕም : እንክ : ወለዘረሰሐኒ : ፲፮፻
 ያረስሕዎ : እንክ :: ወጻድቅ : ለይጻድቅ : ወንጹሕኒ : ለይንጻሕ :: ወናሁ : ፲፯፻
 እመጽእ : ፍጡነ : ወዕሣትየኒ : ምስሌየ : ውእቱ : ከመ : እፈድዮ : ለለኦ
 ሐዱ : ወእኳንኖ : በከመ : ምግባሩ :: አነ : ውእቱ : አልፋ : ወኦ : አነ : ቀ ፲፪፻
 ዳማዊ : ወአነ : ደኃራዊ : ርእሰ : ወማኅለቀት :: ብፁዓን : እለ : ያነጽሑ : ፲፬፻
 አልባሲሆሙ : ከመ : ይኩን : ሥልጣኖሙ : ላዕለ : ዕፁ : ሕይወት : ወይበ
 ውእዋ : እንተ : አናቅጺሃ : ለዘሀገር :: ወይወዕኡ : አፍአ : ኅምሱቱ : አክ ፲፫፻
 ላብ : ወእለ : ሥራይ : ወዘማውያን : ወቀታልያን : ወእለ : ያመልኩ : ጣ
 ያተ : ወነሎሙ : እለ : ያፈቅሩ : ግብረ : ሐሰት :: አነ : ኢየሱስ : ፈነው ፲፭፻
 ኩ : መልአክየ : ያስምዕ : ለክሙ : ዘንተ : ለአብያተ : ክርስቲያናት :: አ
 ነ : ውእቱ : ሥርው : ዘእምዘመደ : ዳዊት : ከከበ : ብርሃን : ጽባሓዊ :: ወ ፲፮፻
 መንፈስ : ቅዱስ : ወመርዔት : ይቤሉ : ለይምጻእ : ወዘጸምአኒ : ለይምጻ
 እ : ዘይፈቅድ : ለይንሣእ : ማየ : ሕይወት : በከንቱ :: ወአነ : ስምዑ : ለነሱ ፲፯፻
 ሉ : ዘይሰምዕ : ቃለ : ዝንቱ : መጽሐፍ : እመ : ወሰክ : ዲቤሁ : ይዌስክ :
 እግዚአብሔር : ላዕሌሁ : መቅሠፍተ : ዘጽሑፍ : ውስተ : ዝንቱ : መጽ
 ሐፍ :: ወእመኒ : አሰሰለ : እምውስተ : ቃለ : ዝንቱ : መጽሐፍ : ያሌስል : ፲፱፻
 እግዚአብሔር : ክፍሎ : እምዕፁ : ሕይወት : ወእምነ : ሀገር : ቅድስት : ዘ
 ጽሑፍ : ውስተ : ዝንቱ : መጽሐፍ :: ወይብል : ዘሰምዕ : ዘንተ : እው : እ ፳፻
 መጽእ : ፍጡነ :: አሜን :: ነዓ : እግዚአ : ኢየሱስ :: ጸጋሁ : ለእግዚአነ : ፳፩፻
 ኢየሱስ : ክርስቶስ : ምስለ : ነሉክሙ : አሜን ::

በዝየ : ተፈጸመ : ራእየ : ዮሐንስ : አቡቀለምሲስ : ዘውእቱ : ብሂል : ዘር
 እየ : በሕይወቱ : ራእየ :: ::